

東
華
續
錄

東華續錄

咸豐八十四

臣 王先謙敬編

臣 陶濬宣恭校

冬十月癸卯朔享 太廟○諭內閣德興阿奏司道大員遷延搖

惑請旨革職一摺據稱江甯藩司楊能格聞浦口師潰後卽從揚
州開船復由邵伯至裏下河屢次遷延以至居民搬徙紛紛失所
又將軍火器械遺棄灣頭等處實屬遇事慌張心存畏葸淮揚道
郭沛霖逃避出城已有應得之咎又妄稟官軍潰退搖惑人心尤
屬可惡楊能格著卽革職暫行畱任郭沛霖著先行革職均交邵
燦庚長將德興阿所參各款確切查明據實參奏○諭胡興仁奏
甯海縣土匪戕官踞城旋經撲滅克復縣城一摺浙江甯海縣地
方土匪聚眾滋事闖入縣城署知縣鄒全節抵禦被戕經署提督

阿麟保等派撥兵勇會同紳團奮勇迎勦槍礮齊施殺斃匪黨多人該匪潰圍逃遁又經甯波府知府張玉藻堵截殺斃七八十人追殺被逐落水死者不計其數當將縣城克復辦理尙爲妥速在事出力文武紳團著胡興仁擇尤保奏候朕施恩毋許冒濫○甲辰 上幸圓明園○諭軍機大臣等桂良等奏瀝陳辦理棘手情形一摺桂良等歷次奏報於內定辦法業已置之不論而此次摺內竟並駐京一節亦有不能挽回之勢然則朕派桂良等前往上海又命何桂清會同商辦豈真專爲稅則計耶桂良等接奉疊次嚴諭旣知惶悚尙非全無天良不過希圖了事不知目前兵端固不可開將來後患豈可不慮總須將前諭四事盡力挽回卽不能照內定辦理亦可勉從所請若徒事作難必欲邀朕允許然後將就了局一奏塞責試思桂良等在津濫許所求之事據奏原思日

後挽回若至今仍無補救不獨無顏對朕其何以對天下何桂清身任封圻特命會辦要事而堅執己見竟於國計無裨桂良等隨同附和牢不可破清夜捫心亦當自愧前據奏稱李泰國尙肯爲我出力何以此時並未見其相助說合卽前在天津所覓內綫黃姓諸人桂良等所恃爲轉圜者何奏報中未見提及如果似此情形桂良等亦何所恃而輕許於前耶至該夷欲赴漢口尤須力爲阻止此時沿江賊船充斥若夷船誤被損傷中國豈能任咎若因夷船經過而我水師停兵相讓設或賊船跟蹤直上豈不攪我長江大局著桂良等剴切止之爲要疊次批示之後本已無可再諭朕不惜諄諄告誡尙冀桂良等盡力圖維以全大局當此國家多難之時盡一分心力卽爲天下消一分禍害桂良等受恩深重身在局中責有攸歸朕不能再爲曲諒也○諭本日據勝保奏懷遠

逆匪時圖出撲請派大員赴潁專司剿辦或令楚軍赴正陽關扼
剿等語懷遠擒匪疊經官軍擊敗仍思竄撲馬頭城洛河街一帶
並圖竄撲壽州勝保見須規復天長以固東路大局其勢自難兼
顧剿擒事宜本係袁甲三督辦俟唐訓方等所帶湖北兵勇四千
名到徐宿一帶卽著與傅振邦會同辦理徐宿剿匪事宜袁甲三
卽行酌帶所部兵勇折回潁州正陽關一帶妥籌防剿以杜匪眾
沿淮上竄並可與翁同書聯絡聲勢東西夾擊本日據德安奏業
已行抵邵伯惟該處並無兵勇可歸統帶久畱無益著勝保卽將
該提督調回盱眙令其隨同該大臣進剿勝保所請籌撥銀四五
萬兩並諭瑛榮將應解餉需改道由清江等處解往矣將此由六
百里諭知勝保翁同書袁甲三並傳諭傅振邦知之○諭勝保奏
餉需匱乏請飭迅速籌撥並改道運解各等語勝保軍營餉需前

因皖省經費支絀仍令由豫省派員辦理隨時接濟自勝保督兵南下懷遠匪眾兩次撲擾馬頭城遂致西路餉道梗阻見雖經翁同書通融接濟而杯水車薪無濟於事當此勦辦正在得手之時豈容以餉需不繼貽誤大局著何桂清庚長卽於海關鹽課項下籌撥銀四五萬兩委員迅速解赴勝保軍營以濟急需毋稍遲緩見在勝保由盱眙進攻天長並著瑛棨嗣後籌解勝保軍餉改道由徐州清江盱眙一路前進以免延誤將此由五百里各諭令知之○官文都興阿李續賓奏臣李續賓於桐城克復後親率馬步十四營於九月十五日拔營進攻舒城探知該逆於距舒城三十餘里地方跨山修壘高五六尺以千餘人屯守十六日我軍行抵該處分隊包襲賊眾驚走約殺斃七百餘名平其牆壘獲米一千六百餘石次日我軍至城外西南紮營城賊遙擁出撲總兵李續

議等迎擊賊卽列陣鏖戰良久副將周寬世等擊其後賊勢披靡紛紛回竄餘黨四散追殺一千四百名臣李續賓察看地勢其城之西北有大堅壘二座高似城垣城上刀矛旗幟密布槍礮之聲不絕賊意力圖抗拒十八日派李續燾等五營攻西北面賊壘派李存漢等攻東南城門以湘中湘右等營爲各路策應均於五更出隊捲旗息鼓分陣布列李續燾等先撲賊壘以柴草填塞濠溝該逆憑牆守禦槍礮環施鏖戰四時之久李續燾等嚴督各勇奮呼齊進槍礮仰攻火毬火罐拋入壘中火起賊眾大亂各勇踰牆直入塞其壘門悍賊七八百名逃死無路盡爲義勇殺斃復乘勝轉攻第二壘忽城賊突開西門出戰欲撓我軍以援壘賊周寬世督勇截擊劉人和率馬隊橫衝賊不能出其第二壘之賊皆棄壘還竄入城約追斃三百人而李存漢等攻東南城門奮力攻擊

俱爲槍礮所阻臣李續賓恐賊夜遁卽派各營分路埋伏是夜初

更後賊開大小東門遁走三河僞城各營伏兵齊起截殺追剿三十餘里賊屍徧地舒城縣城當經克復計奪獲大礮五十餘尊馬一百八十餘匹驢三百餘頭生擒六百餘名查舒城距廬州一百二十里距廬江縣九十里廬州之賊猶負隅麇聚其距舒城五十里之三河地方賊築有僞城一座堅壘八座逆眾屢年盤踞以爲廬州捍蔽臣李續賓擬卽進兵攻克三河直擣廬州以冀稍舒

聖廕此次最爲出力之總兵李續燾等擬請分別獎勵奏入于李續燾下部優敘餘升敘有差○乙巳諭內閣前據勝保奏擒首李兆受請獻滁城歸誠效順當經准其免罪並允所請賞給三品頂帶花翎俟立有戰功再行保奏茲據勝保奏稱大兵進攻天長李兆受分眾駐守來安甚爲出力旋復伏兵內應克復天長並赴滁

州率所部丁壯歸順自願進襲全椒以圖報效實能輸誠反正奮勇立功自應先給官階以示嘉獎李兆受著更名李世忠以參將卽行補用如續有勞績再由勝保奏請獎勵其部下出力頭目著該大臣查明覈實奏請施恩此後各路軍營遇有被陷賊中棄邪歸正者果能立功自贖克復城池亦當一體施恩以昭激勸○諭軍機大臣等勝保奏官軍克復天長並李世忠投誠出力各摺均已明降諭旨照所請獎勵矣另片奏稱懷遠擒匪復撲馬頭城徐廣縉等兵勇失散與翁同書奏報懷遠擒匪於十八日攻撲壽州焚掠數十里情形相同翁同書因有賊匪竄撲定遠之信已將派往廬州之兵撤回定遠並函致勝保撥兵援應是尙未知龍澤厚一軍已有挫失見在天長已復勝保卽日折回西路定遠當可無虞其攻撲壽州之匪據翁同書又稱已向懷遠退去其出沒靡常

尤應嚴加防範著勝保於折回後與翁同書妥籌堵剿並查明徐廣緒龍澤厚所帶兵勇退至何處有無潰散情形至楚軍已克舒城進攻三河相距廬州不遠南北夾擊之機亦不可失李世忠既有攻襲全椒之舉則由和州無爲以下皆可責令設法攻拔各該處城賊與李世忠素相熟習者自復不少或設法內應或以次進攻但須官軍爲之協助亦未可任其獨往獨來自成一隊也勝保請撥江北步隊一千名駐守天長已諭知德興阿撥往至該處馬隊恐難分撥翁同書所請酌派師船駐泊裕溪口等處除諭知和春令吳全美李德麟分撥布置外楊載福水師見在圍攻安慶蹤迹無定如能攻勦得手自可通融兼顧此時尙難抽撥東壩應防之處亦諭知何桂清趙德轍派員嚴密盤查矣將此由六百里各諭令知之○諭本日據勝保奏請於江北軍營撥兵前赴天長並

德興阿奏請撥陝甘兵助剿各等語天長賊匪業經勝保攻剿將
縣城克復惟因懷遠捻匪時圖竄撲勝保尙須親往督剿未能久
駐該處已派遊擊保英畱兵駐守但兵力尙單請飭德興阿速撥
步隊一千名前赴天長會同防守另撥馬隊二三百名赴勝保軍
營等語德興阿收集馬步各兵爲數不少但恐馬隊無多著卽酌
撥步隊一千名派員管帶卽日前往天長會同勝保所派遊擊保
英駐紮天長以資防剿至德興阿所請於陝安鎮標內挑撥精兵
二三千名赴揚調遣見在陝甘官兵出征者多未能再調況屬緩
不濟急惟有浙江調回之副將朱承先等兵勇一千七百餘名並
陶茂森等兵勇一千一百名卽日到揚州此項兵勇准歸德興
阿酌畱調遣並速籌克復六合江浦等處以贖愆尤所稱謀報溧
水克復咨商和春撥兵之處如果溧水已克江南軍營尙有餘力

亦自可分兵相助已諭令和春等量爲酌派矣將此由六百里諭令知之○諭本日據翁同書奏皖賊欲圖下竄請飭嚴防等語皖省巢湖水師戰艇素稱得力自廬城失陷此項船隻被燬無存見在賊踞巢縣廬州其裕溪口鍼魚觜等處均係出江要路該處並無重兵扼紮著和春卽飭總兵吳全美李德麟酌派師船駐泊該處以資扼守而重江防至東壩爲下竄要隘蘇郡係財賦之區該賊垂涎已久據稱賊匪於太平府之金柱關設卡抽釐直達東壩深恐東壩委員但顧抽釐不知盤詰奸宄並據勝保奏稱探知賊匪已在無爲州之運漕等處擄取民船千餘隻先用千人薙髮扮作商賈由西梁山徑赴太平關直抵東壩偷犯蘇州各等語似此情形不可不嚴爲之備著何桂清趙德轍迅卽選派公正道府大員駐守東壩認真盤詰如有商船形迹可疑暗藏軍器者立即拏

獲訊究以塞亂源蘇州府城人煙稠密恐有奸徒涸迹其中並著該督撫派委幹員於省城及潁墅關等處認真稽查毋令賊匪潛蹤再據德興阿奏江北須添兵勦辦已咨和春再撥精兵二三千名俟周天培一軍到齊再行撥回等語見在溧水如已克復南岸兵力有餘即可移緩就急並著和春酌量辦理將此由六百里各諭令知之○諭本日據蔣爵遠奏鎮遠府城失守並兵單餉缺情形一摺貴州鎮遠府城失事據稱究由兵丁缺餉潰散見在賊勢鴟張韓超一軍進剿尙形單薄而各營積欠已久所到協餉無多實屬異常緊迫湖南貴州唇齒相依著駱秉章就近添調在防官兵派員管帶迅速赴黔協同該省官兵助剿以壯聲勢其隨營軍餉及從前奉撥未解各款並著寬爲籌備一併帶往以資接濟將此由六百里諭令知之○追予江南六合陣亡總兵官羅玉斌提

督銜道員溫紹原布政使銜知縣李守誠知府銜並祭葬世職建祠○丙午諭內閣王明奏盜風未靖請設法嚴緝一摺盛京地方每有騎馬持械結夥游行之人緝捕各員往往因訪查未確不敢驟行拏獲以致盜風日熾著王明嚴飭各該旗民地方官隨處馳訪如遇有騎馬持械三五成羣形迹可疑者無論有無搶劫情事卽行盤獲解省究訊如訊無劫竊確據卽著隨時開釋俾免拖累儻查有賊證明確實係盜賊卽照例送交盛京刑部嚴行懲辦以靖地方而安良善○欽差大臣大學士桂良等奏上海軍情緊急見在商辦情形得旨該督旣可離滬王有齡何不能離明係該員事事把持總恐他人收效況該督司此次辦理夷務獨存成見不准他人入手殊屬膽大桂良等甘爲其指使更不可解況此摺鋪敘粵捻各逆情形於夷務不過寥寥數語又未能將節經訓諭之

四層逐款籌辦該督此次任意之所願爲一發莫遏是亦視朕旨若弁髦罪有浮於耆英者○丁未諭內閣崇恩奏前任臬司在途患病懇請回旗等語丁憂安徽按察使恩錫百日孝滿本係回省辦理糧臺見仍簡署安徽按察使既據崇恩查明該員患病屬實著准其暫行回京就醫毋庸開缺仍著該旗都統等察看一俟病痊卽行飭令赴任毋許逗畱○都興阿楊載福奏查樅陽前止賊船數十號自六月十一日經王明山等焚毀賊船後該逆築壘空濠護守十分堅固九月初五日以後臣都興阿率馬步隊逐漸進逼安慶臣楊載福分派礮船於東南西三面晝夜輪攻城賊漸困旋探得下游池州一帶擄賊萬餘擄取民船由江南渡至樅楊來援安慶其前隊四千餘人見已渡江分駐樅陽壘中並散住村莊民舍當於十二日派副將陳金鼇等率各營兵勇越過安慶往攻

樅陽王明山等由銅鐵洲上夾口進師至羅塘洲觜見港中已有木椿鐵練闌截其賊船百餘隻盡泊港內王明山率隊登洲於賊船賊岸施放擡槍火箭萬化林等率隊繼進各營兵勇覺水過港奪船該逆槍礮抵禦我軍奮勇攻擊斃賊百餘名餘眾股栗紛紛驚潰當將所有賊船概行焚毀王明山等率隊回船進攻樅陽街尾賊壘陳金鼃等由銅鐵洲下夾口飛槳沂入攻樅陽街頭賊壘該逆開礮迎擊劉德亮派船趨進砍斷新洲觜闌河鐵練帶隊登岸由上首攻打陳金鼃指揮長龍礮船向壘轟擊一面率隊登岸由中路進攻李朝斌由下手鈔擊賊壘之後賊眾出壘死力抗拒陳金鼃督率各弁勇在中路奮擊殺賊數千名賊仍退入壘中開礮抵禦陳金鼃等三路進逼賊濠爭拔木椿竹籤賊復蠡擁出敵我軍奮力衝擊該逆不支棄壘狂竄王明山等從樅陽港口登岸

併攻各壘之賊潰走我軍隨後掩殺賊屍枕藉追殺二十餘里斃賊不可數計生擒一百五十二名踏平堅壘五座焚賊米船百餘號奪獲大礮五十餘尊實足以寒賊膽所有在事出力員弁兵勇尙有微勞可否由臣楊載福擇尤保奏臣等仍督率水陸各軍無分晝夜環攻安慶以期速拔堅城合力東下上諭逆匪久踞安慶於相距九十里之樅陽地方築壘乞濠負嵎抗拒我軍奮力攻擊踏平賊壘勦辦尙爲得手著都興阿等嚴督水陸各軍乘勝進偪迅拔堅城合力東下毋稍延緩所有在事出力員弁兵勇准其就近由楊載福彙案擇尤保奏○予江西陣亡知縣劉福林等祭葬世職○已酉頒硃諭御史孟傳金奏中式舉人平齡硃墨不符物議沸騰請特行覆試一摺著派載垣端華全慶陳孚恩認真查辦不准稍涉回護並將摺內所指各情可傳集同考官一併訊

辦○諭內閣翁同書奏訪聞徽甯等府愚民傳習花會請飭嚴禁
一摺據稱徽甯等府近來傳習花會棚廠林立刀矛雜陳局賭輸
贏土豪惡棍因而漁利猾吏奸胥爲之隱庇愚民墮其術中敗產
傾家甚至釀成命案大爲風俗人心之害業經該撫嚴飭查拏出
示禁止惟皖南地方距省較遠該撫稽察難周並恐浙江壤地毗
連不免沾染惡習著張芾胡興仁通飭各府一體嚴禁實力訪拏
並責令地保舉報如有劣紳包庇惡棍把持及地保等通同容隱
一併從重治罪該地方官如敢視爲具文別經發覺卽著從嚴參
劾以挽澆風○江西巡撫耆齡奏八月二十五等日熊村賊眾復
由三路來犯道員劉長佑等督軍攻擊砍殺無數賊越呂公嶺而
奔追至嶺後賊復回戰李明惠自衝口繞出賊後賊遂大潰賊目
數名悉被殲除左路林內之賊亦經我軍擊走計殺賊二三百人

二十七八等日江忠義等率精捷等營由崇仁馳至賊至五六七等都屯聚欲西奔橫村劉長佑督率各營乘夜出擊李明惠等由六都進李篤勝等由七都進劉長佑等由五都進適大股賊自圓村出拌死拒戰李明惠大呼直入賊眾披靡李士恩等合力夾擊斃賊千餘人崔大光等由山城馳上又截殺七八百人各勇追至高黎地方沿途殲賊無算翟國彥等至五都賊眾踞險抗拒翟國彥直前刺賊目落馬餘眾驚奔我軍縱擊之將至七都忽村內擁出花旗賊千餘人回救李篤勝等繞出其前槍礮齊施賊復奔竄自相踐踏均被我勇所殲共殺賊四五千人生擒五百七十餘名衝散之賊又經署新城縣知縣雷嘉澍督勇搜殺甚多旋探賊至橫村收集黨與計圖再逞九月初一日劉長佑派令各營進剿殲賊數百人天色將暮該逆知我軍遠來不能久留遂依山麓回戰

李明惠等用劈山礮環擊賊仍潰走生擒賊目二名斬獲首級三百五十顆敗竄之賊尙踞新城南豐兩縣邊界劉長佑飭令各營進力窮追初三日劉長佑等齊至湯坊傳坊賊匪蠶擁出拒崔大光等直入賊隊擊殺悍賊百餘人賊退入坊死拒李明惠江忠義鈔出坊後將賊包住殲擒無遺初五日各營進擊甘家隘李明惠等由中路逼近賊巢槍礮齊施賊奔隘口該處山壁峭絕賊眾不能猝越各勇遇賊卽砍崔國彥等復由左右兩路蹙之賊進退無路延頸受戮餘賊抵死守隘江忠義率勇由山頂繞出隘後劉盛調等衝入隘口追殺二十餘里殲戮殆盡各營追逐一百六七里約計斃賊六七千人奪獲贏馬器械甚多查劉長佑一軍移紮新城疊次迎擊八獲全勝我軍跟蹤窮追先後斬擒萬數千人邊境旋就肅清劉長佑以三千之眾翦滅萬餘逆匪保全撫建要郡洵

屬謀勇兼備應請恩施以昭激勸其餘出力人員容俟查明另行請獎 上諭此次劉長佑一軍自新城擊剿福建竄匪直至南豐縣境先後斬擒逾萬大股狂寇殲滅幾盡邊境肅清劉長佑著交軍機處記名遇有江西道員缺出請旨簡放其餘出力人員著暫齡查明擇尤請獎○庚戌諭內閣御史富稼奏請飭嚴禁錢市賣空買空一招據稱錢市舊規各持見銀見錢互相交易近日市間多有憑空言買賣之人並各官號影射買銀之弊故銀價日昂百物因之騰貴小民生計愈艱大爲閭閻之害著順天府五城迅卽出示嚴禁如查有空言買賣銀錢者立即嚴拏照刑部新定章程懲辦失查官員照例議處並將代保之經紀一併嚴懲以懲奸商而平市價○諭德興阿奏招集諸軍奮勇進攻擬嚴定章程以示勸懲一摺江北一軍自浦口潰敗後儀揚相繼失陷馬步各軍節

次退縮深堪痛恨見在揚州儀徵先後收復天長亦已攻克而六合尙爲賊踞若不嚴定章程使各員弁知所勸懲愧憤圖功其何以奮勇剿賊迅速廓清各省軍營出缺向儘軍營人員拔補原以殺賊立功用昭激勸此次浦營潰敗各將弁戰死行間紛紛開缺而畏賊全軀之輩轉得唾手遷官殊不足以昭公允除德興阿另請拔補數員外所出協領以下至驍騎校副將以下至都司守備各缺均著咨明直省將軍都統督撫提鎮令各歸本營按班敘補俟續有戰績再復軍營拔補之例以昭激勸至兵勇之奮勉全恃將領之倡率若將領見賊先退各員弁兵勇必更望風而靡嗣後旗營自參領協領以下綠營自副將以下遇有臨陣退縮者該統兵大臣一面奏明一面卽於軍前正法副都統總兵以上奏請嚴加治罪其遇賊逡巡情節稍輕者亦著將屢次保案分別奏請撤

銷以肅軍令至兵丁防勦數年受傷患病難期得力自應將隨營最久之兵分別抽撤歸伍仍由原營換調精壯補足原額庶不至以疲乏充數軍營文案委員暨隨營糧臺委員履險相隨准其從優保奏其後路總辦糧臺委員止可與團練捐釐諸員分別請獎不得過優以杜僥倖至所奏隨營出力文員向來止准免補本班一次未免阻其上進應請准予免補兩次之處著該部議奏經此次嚴定章程之後該大臣務當策勵將士奮勉圖功以贖前愆而觀後效○諭軍機大臣等前據德興阿奏江北須添兵勦辦諭和春等察看如溧水已克南岸兵力有餘酌量移緩就急本日德興阿奏稱周天培援軍未到請旨飭催並前次張國樑所畱兵二千六百名懇勿調回江南等語自爲厚集兵力圖攻六合之計惟溧水是否克復尙未據該大臣等奏報南岸軍情亦關緊要除張國

樑畱下之兵仍著畱防江北毋庸調回外其德興阿續向和春咨調之兵著和春等酌量情形辦理由浙調回之朱承先等所帶兵勇見聞赴援溧水俟克復後卽行飭赴江北將來周天培全軍到齊亦卽統交德興阿調遣俾得由儀揚前進會同攻復六合縣城將此由六百里諭令知之○辛亥諭軍機大臣等本日據何桂清奏回抵常州復將夷務棘手情形縷晰陳奏當此時事艱難該大臣等受朕深恩諒不敢竟昧天良希圖遷就了事但權衡時勢不可不設法阻止桂良等固屬無可卸責卽何桂清身任地方大吏受此委任亦當力圖補救所有辦法著仍遵前旨將此四事婉爲轉圜與其稱兵於日後不如消患於目前四事若有轉圜其餘卽照天津及上海見定各款辦理至該夷之意本欲移欽差於上海如果說定時四事消弭桂良等卽可允其將欽差移至上海專辦

通商事務以後各國如有商辦之事卽在上海商辦廣東仍舊通商桂良等當存之於心屆時再與宣說如該夷回帆時不與說明轉瞬來春夷船復至天津惟桂良等是問至何桂清奏稱各處游行雖不能禁止亦當嚴定章程以資約束但恐旣許游行卽無從限制此時朕旣肯毋庸拘泥內定辦法該大臣等必當各矢忠誠竭力挽回爲國計民生豫籌久遠之策諒桂良等亦必能仰體朕心也○諭王懿德奏總兵周天培在閩攻剿喫緊不能赴援江北咨商會國藩派兵往援一摺已於摺內嚴切批示矣周天培一軍本係江南派援浙江由浙赴閩援剿雖據奏該總兵在閩剿匪得力見於麻溪橋等處扼要設防正在與賊相持未便移調他往惟見在江北情形較之閩省更爲喫重雖儀徵揚州業經收復而六合尙爲賊踞該處並無勁旅應援急盼周天培協剿豈容閩省久

雷至曾國藩統領官軍前據該侍郎奏報已於九月初九日馳抵
建昌卽由杉關入閩等語計此時已抵閩境著曾國藩於所部兵
勇內酌分一軍馳赴洋口順昌等處會同閩兵剿匪周天培卽可
交替迅速趕赴揚州德興阿軍營聽候調遣毋再延誤將此由六
百里各諭令知之○和春奏查蕪太逆援竄踞溧水攻撲秣陵關
分別添兵堵剿九月二十二日總兵張玉良由湖墅進紮溧城北
路之陳家橋豫派參將雷安邦等部署各軍戒嚴以待東北兩門
各出逆匪數百直撲新營相持許久雷安邦出其不意三面分鈔
殲執旗逆目數名餘悉驚潰乘勢追馘百餘名瞭見城上徧插五
色賊旗並於近城一帶修濠築壘意圖久踞張玉良當飭趕緊紮
營一面派令雷安邦等各帶所部分攻東西兩門都司陳鵬舉等
馬隊直擣北門二十三日我師馳抵外濠點放火器該逆離巢抗

拒陳鵬舉揮兵轟斃逆匪多名其勢稍卻適東西各門賊壘悉眾來援雷安邦等左右兩軍一擁而進立將賊援擊敗逆卡焚毀三路兵勇兜鈔夾擊賊眾膽落紛紛棄營而逃隨將北門逆壘全行掃蕩一路殲斃悍賊甚多餘皆逃遁入城二十五六等日會同候補總兵馮子材由陳家橋步步爲營直抵後岡地方距城僅四里許賊屢分股衝撲均經擊退我師聯營偪紮見已直薄城根秣馬厲兵剋期大舉惟此次逆援內竄後又復分黨攻擾秣陵關雖屢經懲創兇燄未衰丹陽鎮逆股又於距關十里之祿口地方築營打館意在襲取秣陵阻我後路臣與張國樑等相商惟有嚴扼秣陵急攻祿口乘勢直擣紅藍埠去其犄角則溧賊勢孤不攻自潰遂派總兵王浚帶兵三千前赴秣陵會商總兵戴文英剋日進攻祿口賊巢二十九日我師五路進發將抵逆巢遙見後有土山黃

旗林立有悍賊二股趨擁而來立即揮兵截剿將賊隊衝爲數段
富和等帶領馬隊乘勢蹙之逆眾大潰王浚等攻其西戴文英等
攻其北楊福增田宗揚等攻其東直抵二道外濠將護營木卡毀
平章明堂拔取木椿竹籤斬關而入我師鼓譟畢登殺賊無算楊
福增馮觀勝等振旆一揮賊皆披靡並用火彈拋入營中然動火
藥烈燄蔽天立將東北兩面賊壘全行攻克時王浚督攻西路逆
營冒險直入戴文英等指揮東北官軍三面夾攻逆黨不敢迎拒
均望鈴橋一路奔竄陳步高伏兵齊起富和等各帶馬隊四面包
鈔追奔四十餘里祿口內外賊營全行掃蕩斃賊約數千名砍取
首級一千二百餘顆其梟水淹斃者尤不可數計從此溧賊聞風
氣奪不敢復窺秣陵卽日鼓行而南可期得手其金陵西路銅井
一帶逆援麇集二十二日探報逆匪千餘竄至江甯鎮上道橋潛

築卡牆總兵李若珠駐紮板橋相距僅三十餘里當派副將劉季三陳雲彪等分投勦捕踏平木卡數重逆黨踰橋而逸正追殺間突有逆股三千餘人飛奔接應我師奮力追勦殺賊約百餘名當我師分兵溧水接應秣陵時城逆知我營壘空虛由南門竄出悍賊二千餘名夤夜偷築兩營意在衝突安德門長圍二十四日張國樑派令副將梁克勳等分左右包鈔親督副將韋明堂等居中策應諸軍踊躍過濠分投鈔擊聚寶門又擁出馬步逆匪約四五千入併力護持火器刀矛排牆而進梁克勳見賊勢兇悍直陷中堅縱橫盪擊殲賊約百餘名楊福增乘勢兜鈔會攻賊壘立將逆壘二座毀平二十六日該逆復從太平門潛出悍賊四五千直撲東北隅營盤東營填濠以圖大逞經我守濠將弁擊倒數名猶復悍不肯退副將張盛邦傳令各營以逸待勞俟賊眾逼近疊放擡

槍無不應聲而倒並以火器拋擲外濠然動柴草數百束一時烈焰飛騰羣賊自相踐踏退回巢穴

臣

等見飭戴文英等迅攻紅藍

埠以圖規取深水報聞○壬子諭軍機大臣等崇恩奏擊退嶧縣竄匪並咨調赴徐州兵勇回剿等語此次逆匪由蕭縣竄犯嶧縣兵勇失利致被闖入邊境經黃良楷帶勇擊剿獲勝該匪見已漸退惟見在豐沛尙有賊蹤與河南會匪勾結曹單金鄉情形已屬喫緊匪蹤飄忽靡常難保不復來窺伺山東境內兵力空虛除曹單練勇素稱得力外其餘各縣恐未能一律整齊著崇恩於附近江南河南邊境各州縣選派公正紳士會同地方文武實力舉行團練以助兵力遇有緊急有備無患至前由山東調赴清江兵勇一千據該撫奏稱見已截回兵四百名自係因防剿本境起見惟本日據袁甲三奏臨鳳賊匪復竄陷五河縣城該處距浮山盱眙

蔣壩甚近是清淮情形仍未稍鬆著該撫酌量情形如東境賊氛稍定而清淮尙須防剿卽仍將前項截回之兵飭赴清江交邵燦庚長等酌撥布置以資得力此次黃良楷接仗獲勝情形並著查明詳細具奏將此由五百里諭令知之○予安徽陣亡參將常瑞等祭葬世職○癸丑予江南殉難知縣汪應相等祭葬世職○乙卯諭軍機大臣等前據扎拉芬奏回疆善後未盡事宜各條當交原議之軍機大臣會同該部議奏茲據分別奏覆已照所請依議行矣惟所稱回莊偶有逆萌卽責成伯克據實稟報一節固爲消患未萌有所專責起見但伯克與回眾素相親習不免有平時恩怨設或裁害復讎以輕報重亦應防其流弊總在各城大臣潔己奉公於所轄伯克毫無需索則伯克自能畏法不至苛派回眾而回眾生計漸裕自不至激成事端卽有不肖伯克藉端擾累加

以參劾亦必帖然共服若徒寄耳目於伯克尙非正本清源之道
著該將軍通行南路各城大臣一體懷遵務當正己率屬力挽從
前積習以杜亂萌遇有密告之件仍當默爲查察不可輕於偏聽
至籌給空地令安集延貿易人徙居城外一節本係札拉芬奏函
知法福禮欲如所議辦理此次該將軍摺內旣稱派員勸諭該夷
堅執不從致有買房給費之議尙須夷情允協出於樂從徐爲舉
行等語仍著該將軍等隨時體察妥爲籌辦未可操之過急別開
弊端至刪除各項差使但當去其已甚如銅廠重累業已允其停
止此外瑣屑細務無關生計者自當各仍其舊未可因噎廢食徒
事紛更並著該將軍等通行各城體察覈辦將此各諭令知之○
以惓光宸爲江西布政使調翟誥爲江西按察使由廣西調○丙辰諭
軍機大臣等瑛棨奏報擒匪分竄請飭直隸山東撥兵進駐豐

沛堵勦一摺據稱北路捻匪由蕭縣黃家口竄至豐東沛西欲往曹單濟甯南路捻匪全行起竄張龔兩逆欲分趨正陽壽州會合各股窺伺潁上等處徑趨周家口再向西北竄擾壽州見在戒嚴等語逆捻分股竄擾勢甚猖獗豐沛爲北路要隘萬一北竄則山東之曹單河南之歸陳各屬蹂躪堪虞惟直隸距徐州較遠見亦無兵可撥山東嶧縣已有賊蹤崇恩業經截回調赴清江兵勇四百名防守本境是該省兵力亦難遠調當此賊匪奔突靡常惟有激勵團練力守邊境著慶祺崇恩懍遵前旨實力舉行毋得視爲具文至歸陳等屬防剿喫緊著瑛榮就見有兵力分投堵截一面知照袁甲三嚴飭朱連泰蘇克金等痛加勦洗毋令紛紛四竄前據官文奏派遊擊張萬祿道員唐訓方帶兵勇四千二百名前赴袁甲三軍營已催令迅速前進此項兵勇諒卽日可到徐宿一帶

著瑛榮知照袁甲三妥爲調度兼助豫省兵力是爲至要將此由
五百里各諭令知之○丁巳諭內閣僧格林沁自通州前往天津
辦理海口雙港礮臺並續建礮臺營牆等項工程見已一律完竣
念其數月以來勤勞聿著著賞給御用巡幸袍一件卽交伊子伯
彥訥謨祜齋往天津交僧格林沁祇領以示嘉獎其所帶兵丁並
著酌加更調俾資休息○諭工部奏遵旨查議南河另案工程銀
數一摺咸豐七年南河比較六年多用銀四萬八千餘兩比較四
年多用銀十三萬餘兩當此經費支絀之時似此逐年遞增伊于
胡底前經該部議駁茲據該河督奏稱實因水漲工險以致銀數
增多委係實用在工無可再減此次姑准所請卽照單開銀數題
銷嗣後該河督務當認真釐剔加意撙節不惟不准再有加增並
不准將上年銀數援以爲例以杜浮冒而重工需○諭軍機大臣

等本科順天中式舉人平齡案內要證靳祥係柏棧家人見隨柏棧之姪分發甘肅知府鍾瑛於本月初一日出京著曾望顏卽飭所屬地方官沿途截拏迅速押解來京審訊毋令逃脫將此諭令知之○諭僧格林沁等奏修理雙港海口等處礮臺營牆一律完竣酌撤防兵繪圖呈覽一摺僧格林沁在大沽海口及雙港地方修築礮臺安設營壘並置木筏以扼海口要隘各項工程已於本月十二日一律告竣該大臣辦理海防已逾數月夙夜辛勤自應暫時回京以節勞勩所有操練水師建蓋兵房等事卽交瑞麟慶祺妥辦礮臺分設礮位著卽飭副將烏忠阿等帶宣化鎮官兵一千名協同大沽協官兵小心守護至所調吉林黑龍江察哈爾等處官兵程途遙遠未便令其歸伍此次回京後應在何處駐紮著僧格林沁籌議具奏將此諭令知之○以天津海口辦防出力賞

六品頂帶前任漕運總督李湘棻四品頂帶○戊午命已革副都統富勒敦泰直隸提督張殿元署天津鎮總兵官達年護理大沽協副將德魁發往新疆效力贖罪○己未諭軍機大臣等德興阿奏官軍紫營儀徵擊賊獲勝及未能撥兵前赴天長一摺逆匪占踞六合亟應迅拔堅城總兵成明已抵儀徵西門外二十里鋪環紫營壘自可力圖進攻六合德興阿雖尙患病不可久居邵伯致懈軍心本日據何桂清奏報初七日克復溧水東壩一帶情形已鬆副將朱承先等各兵已諭和春等飭赴江北此項兵勇皆係勁旅渡江後卽令會合成明等攻剿六合不可令其前赴天長作爲防守之兵至天長甫經收復勝保留下之兵尙屬單薄著德興阿於所統各軍內挑選精銳會同駐紮以資扼守如此量爲調遣方合防剿機宜德興阿鞠殿華連失各城其罪甚重因念德興阿病

體纏綿鞠殿華身受重傷是以未加嚴譴若再不知振作未能迅克六合俾江北大局仍復舊觀必當執法懲治毋謂寬典可以倖邀也懷之將此由六百里諭令知之○諭前因德興阿奏江北須添兵勦辦諭令和春等俟克復溧水後將調回之朱承先等所帶兵勇飭赴江北本日據何桂清奏溧水縣城業經總兵戴文英等於本月初七日督兵克復著和春卽飭朱承先等帶兵馳赴德興阿軍營會同江北派兵攻克六合毋稍遲延德興阿等一敗塗地幾至不能復振實所不料殊堪痛恨見在責令奮勉立功若能會同江南援軍攻克六合使江北大局重復舊觀尚可補救惟收集潰兵恐未能得力和春營中如有可調之兵仍著酌量情形隨時分撥應援至江南溧水旣復東壩高淳等處已可解嚴該大臣等卽當趁此聲威設法進攻金陵是爲至要將此由六百里諭令知

之○諭前因懷遠擒匪圖竄壽州等處當諭令袁甲三俟湖北兵勇到後卽交傅振邦勦辦徐宿擒匪並令袁甲三酌帶所部兵勇折回潁州正陽一帶防剿原以清淮緊急而北路亦形喫重必俟楚兵到後布置妥協方可分兵前赴正陽並非輕議移師置徐宿於不顧也本日據袁甲三奏擒匪力圖北趨北路軍情喫重驟難馳赴正陽等語似係誤會前次寄諭見在兩路擒匪猖熾欲圖徑犯清淮正陽一帶兵力單弱設該逆沿淮上犯其患何可勝言提督德安年力就衰未能獨當一面已革藩司李孟羣見駐壽州以南該處地當衝要亦難回軍堵截況該革員華而不實甚不可靠見在湖北兵勇業已啟程不日可抵徐宿此項兵勇到後袁甲三卽妥爲布置令與傅振邦會同勦擊進逼賊巢以期盡殄醜類袁甲三卽酌帶所部兵勇馳赴正陽扼要堵截袁甲三未到以前仍

著勝保翁同書籌畫兼顧以資控制江南已克復溧水浙江撤回兵勇卽可赴援江北已諭德興阿撥兵會同進攻六合另派官兵會同勝保畱下之兵扼守天長矣將此由六百里諭知勝保翁同書袁甲三並傳諭傅振邦知之○諭王懿德奏攻克洋口逆巢收復泰甯縣城並籌攻順昌各情一摺洋口逆巢及謝屯等處賊壘業經周天培督軍一律蕩平卽當乘勝進攻順昌而泰甯雖經收復連界之將樂等縣尙多踞匪福建賊眾兵單須藉客兵之力惟周天培一軍因江北急盼助剿曾諭會國藩前往交替實未便久畱閩境今該侍郎已由杉關入閩務當探賊所向節節掃蕩見在順昌尙未攻克或由會國藩分兵往剿或由王懿德派令張騰蛟等往剿俾周天培得以交卸啟程是爲至要順昌被陷文武如何下落並著該督查明具奏代理泰甯縣知縣萬燾於失守後自行

克復亦著查明分別參辦將此由六百里各諭令知之○何桂清趙德轍奏查都統德興阿秉性麤率於漢文不甚通曉易受人愚動輒與人爲難迫奉旨將劉良駒等驅逐出營翁同書親自爲之辦理文案隨時匡救始與南岸協力和衷得以克復瓜州移營浦口數月之間壁壘一新堵剿嚴密江南大營始得將金陵水陸合圍乃翁同書補安徽巡撫離營赴任德興阿左右無人幫辦軍務之鞠殿華僅一匹夫之勇毫無謀略以致浦口失事全軍潰散德興阿鞠殿華避居舟中既不退守六合又不嚴堵儀楊其駐紮三汊河之毛三元一軍並未潰散亦棄揚州不守而退至萬福橋使賊長驅直入若無溫紹原固守六合則該逆顧忌毫無清江淮安襄下河一帶將不可復問矣張國樑統兵渡江於九月十五日克復揚州十七日克復儀徵十八日馳抵六合縣境之陳板橋地方

而溫紹原先於是日清晨與城偕亡救援不及是克復儀徵雖係張國樑之力而逆賊不敢遽行北犯東竄者實賴溫紹原扼守六合之功是以一聞溫紹原被害凡屬居民無不同聲痛哭而恨德興阿等之坐視不救臣等猶望德興阿等乘張國樑破竹之勢鼓勵兵勇卽由儀徵規取六合以贖前愆孰知德興阿轉將張國樑派駐儀徵官兵調回揚州安坐邵伯僧舍一味驕矜愈出愈奇幫辦軍務之鞠殿華毛三元成明各擁一軍並不上前一步卽如萬福橋河寬水深咸豐三年前大臣琦善飭令將橋拆除裏下河居民卽恃河爲天塹前辦糧臺藩司文煜於橋之東岸紮營一座駐勇數百名以防賊匪偷渡本年九月張國樑救援江北時由東路繞出賊前以杜北犯東竄之路在萬福橋搭造浮梁係爲進兵而設乃德興阿不將浮梁拆除爲兵勇豫備逃走之計以致民情惶

惑紛紛遷徙毛三元至今尙紮營於橋之東岸不知其意何居至

邵伯鎮原可無虞

臣

何桂清曾經函屬移紮揚州乃德興阿仍偃

蹇於邵伯僧寮又有鄧鳳林李開武燒毀民房掠取民間糧食貨

物女子之案其餘紕繆之事不一而足奏報亦多未確誤國殃民

莫此爲甚恐難望其翻然改悔若再稍爲將就不獨揚州仍屬可

虞卽江南大營亦爲所累克復金陵竟不知在何日

臣

等焦急之

餘與和春張國樑許乃釗往返熟商僉稱溧水旣復大營無內顧

之憂亟應設法攻復金陵惟江北情形如此軍務終無了期應請

旨另派大員督辦江北軍務南北合力庶有把握儻一時不得其

人或請歸併江南則和春等必當勉力圖維全此大局訪之江南

北官紳士庶意見亦同報聞○庚申諭軍機大臣等駱秉章奏請

飭裁汰李孟羣部勇一摺李孟羣部勇自廬州失事以後疊經勝

保翁同書奏稱截畱潰散裁汰疲羸惟該革員部將張得勝等復派擬保縣丞張侍廷從九品楊濱前赴湖南招募遊勇並未持有文札經駱秉章於盤獲後嚴禁遊民應募且訪聞張侍廷等有誑騙錢財捐派幫辦百長情事是李孟羣信任匪人濫行招募其部下各勇斷難得力已可概見前據翁同書奏該革員見駐壽州以南協勦懷遠竄匪著勝保翁同書卽行飭令將潰散各勇嚴加裁汰毋令再致僨事帶勇員弁中如查有冒銷勇糧捏報勝仗等情卽著嚴行查辦至李孟羣歷次保舉文武員弁如張侍廷楊濱之庸劣者恐復不少並著勝保等嚴密訪查分別參革毋稍徇縱將此由六百里諭令知之○辛酉諭軍機大臣等桂良等奏稅則議定一摺覽奏竇堪痛恨英夷輪船豈容輕令內駛桂良等輒自允許猶言示以不疑朕若力持定見必欲責令阻止但恐桂良等既

已允許力不能阻止可聽其一行若回滬後又欲隨意往來或他國效尤跟蹤前往斷不能再聽其便至鹽斤在內地本各有界限豆石亦奉天等處貿易大宗原當定以限制其游歷內地恃執照爲稽查焉能周徧係屬最下之策朕此時不再加駁斥不過恐桂良等力有不能至於決裂耳並非謂其可以勉從也駐京一節不過因廣東道遠恐下情不能上達前次等諭准其將欽差移至上海正可以此爲詞罷其駐京之議若仍准其隨時來往豈能日久相安著俟回帆時與之言明若至天津我兵卽先開礮使其有所顧忌其廣東省城退出則該處民人並可開艙貿易實屬彼此有益卽著曲爲開導俾有轉機凡此數端皆非無可措詞總在桂良等激發天良力任其難能罷去一事卽免一事之貽害若徒以釜底抽薪爲詞而實則於事毫無補救桂良等其何顏以對朕耶○

諭前因德興阿奏請添兵勦賊諭令和春等酌量情形辦理其朱承先等兵勇俟西路賊氛埽蕩卽當飭赴揚州各等語見在江北浦六兩城尙淪於賊儀揚一帶兵力空虛需兵甚爲緊迫江南則溧水已復情形稍鬆所有朱承先等兵勇著和春等酌量如何先其所急卽著飭赴江北軍營聽候德興阿調遣以資攻勦至德興阿續請添調之兵見在南岸兵力旣非有餘卽可毋庸議調將此由六百里諭令知之○和春奏查金陵逆渠被圍情急號召皖北外援猝陷溧水縣城分踞紅藍埠以張犄角之勢該處紮有賊壘五座木卡三座憑河阻險遙爲溧賊聲援十月初六日戴文英等密令各營會擄紅藍埠賊巢戴文英等攻其東張玉良等攻其西馮子材等率敢死之士由閒道繞出其背首尾夾攻參將田宗揚等馬步各軍隨後策應另派參將陳步桂等帶隊攻城以牽綴之

初七日夜左右兩軍銜枚疾馳徑薄河東逆卡先用噴筒火箭射入牆內烈燄沸騰雷安邦帶隊直入手刃牆下逆匪餘皆驚竄三卡同時火發賊猝不敢迎敵我師一面踏平逆卡一面直撲賊營張玉良等督兵渡河而西該逆壘中瞭見官兵大至礮火彈石密如雨注無隙可攻向奎等冒煙衝入悍匪遙擁撲出田宗揚等分投迎勦適馮子材鼓譟殺入該逆前後受敵踰牆奪門而散我師乘勢合擊多隆武等馬隊又復四面兜鈔追奔三十餘里紅藍埠賊壘悉數掃平斬首千餘級陳步桂一軍分攜攻具會擣西南各城該逆堅不出巢迨見紅藍埠攻克突出悍匪二千餘名欲圖援應張朝綱等迎頭截勦殲斃無數是夜張玉良揮令將弁合力兜圍馮子材等豎立雲梯乘虛奪隘縣丞陳朝宗等裹創力戰殲斃守陣逆賊我師謹譟畢登江甯府鄭濟美等隨同進勦本月初七日

亥刻克復溧水縣城餘逆狂奔西竄盡入伏中經向奎等節節兜剿追抵博望地方所有溧城內外各賊不下四五千名無一得脫其銅井逆援竄江甯鎮六郎橋北岸結集樹柵窺我西路營盤分股進擾龍磨山地方距板橋不過數里總兵李若珠等四路追剿將賊隊衝爲數段逆勢不支倒退數里忽見黃旗湧出兩面兜鈔騎馬悍賊橫塞出路遊擊宋紹科立刺逆首落馬餘皆辟易李若珠振旆一揮陳雲彪等往來衝擊短兵火器疊進環轟逆眾大潰該逆被創之後夤夜糾集匪黨四五千分股入犯張國樑飭李若珠帶兵二千爲頭隊先行誘敵劉季三等帶兵一千隨後包鈔親督各軍於初四日馳抵板橋分投迎剿大股逆匪五六千張兩翼旁趨截我軍歸路張國樑登高四望見我軍已深入賊叢而後隊尙未能到又見賊陣左堅右瑕當將馬隊分而爲二飭韋明堂帶

數十騎以火槍攻其右直搗中堅賊相顧錯愕無不應聲而倒右陣始亂惟左隊黃旗糾結悍不肯退張國樑帶十騎怒馬陷陣橫突萬眾中連刺黃袍騎賊數名其勢稍卻自相踐踏枕屍相望沿途追躡直薄江甯鎮巢穴隔河槍礮稠密奔回之賊正當其衝羈斃又不可勝計守營之賊恐我軍乘勢攻入復將浮橋拆斷敗賊無路可走淹斃尤多是役也計砍取首級六百餘顆陣斬偽國宗洪姓實足以快人心得旨此次獲勝殊覺痛快皆由爾等和衷故也○賞內閣學士福濟副都統銜爲西甯辦事大臣○予江南陣亡同知祝錫勳等祭葬世職○壬戌諭內閣勝保奏皖省軍務較繁請添派大員幫辦等語巡撫銜浙江布政使李續賓統帶楚軍已入皖境克復舒桐等縣所向成功卽日與勝保翁同書會合正宜南北夾攻殲除羣醜李續賓著幫同勝保督辦安徽軍務○諭

勝保奏投誠人眾分別畱營遣散請量爲安置等語候補參將李世忠所部投誠人眾除經勝保挑選精壯分營隨剿外其餘應行遣散者爲數尙多見經造冊遣回原籍自應妥爲安置著各該督撫查照咨冊飭令地方官隨時查驗聽其安靜謀生凡投誠以前會犯之案概予銷除毋庸追究並曉諭居民從前讎怨悉歸消釋如到籍後別有不安本分情事再行按律懲辦此外各路軍營如有悔罪投誠率眾來歸者亦當一體赦宥咸與維新以資觀感○諭樂斌奏請將甯夏蒙古地方行銷內地土鹽抽收商稅一摺甘肅甯夏蒙古地方向產土鹽各處商民往運轉販並未徵收稅課茲據樂斌委員查明並酌擬章程抽收商稅聲明無礙正課並不累蒙古生計卽著照所擬章程辦理仍著該督隨時查察以期經久無弊其查辦各員俟抽收有效准其酌量保奏至此項土鹽行

銷內地向無例禁明文與失察私販者有間所有歷任各官均著免其查議○諭軍機大臣等前據官文奏因吉安克復派令普承堯一軍由英霍進援定遠其赴援淮北之軍亦經諭令該大臣如張萬祿不能卽往卽將所帶之兵併交唐訓方管帶馳往助剿本日據勝保等奏鳳臨懷遠擒匪東西竄突張落刑糾眾竄踞五河欲撲盱眙請飭袁甲三前往剿辦等語袁甲三因徐宿喫緊兵力不敷專待唐訓方一軍助剿卽勝保軍營亦亟盼普承堯一軍相助著官文迅卽查明普承堯唐訓方各軍見在行抵何處飭令飛速前進分赴勝保袁甲三等軍營聽候調遣毋稍稽延將此由六百里諭令知之○予安徽陣亡參將賽沙布祭葬世職○癸亥諭軍機大臣等官文奏請飭催各省月濟餉銀等語湖北有東征水陸各軍及九江防兵等餉每月所需甚鉅庫款實爲竭蹶加以赴

援淮北兵勇由英霍取道前進雖經官文先行湊給兩月餉銀而此後道途梗阻轉運維艱亟應設法接濟著英桂於每月應解湖北餉銀五萬兩項下劃出銀三萬兩按月如數就近委員赴袁甲三軍營專濟唐訓方阿達春一軍月餉其餘銀二萬兩仍按月解赴湖北糧臺以資協濟至四川陝西月濟湖北餉銀各五萬兩據稱本年僅解到銀十萬兩所短尙多著王慶雲曾望顏仍遵前旨將每月應解湖北協餉銀五萬兩如數依時源源解往以應急需將此由五百里各諭令知之○予福建陣亡知州韓湛等祭葬世職○乙丑諭內閣趙德轍奏委員署理知縣各缺等語江蘇署嘉定縣知縣李本榮署青浦縣知縣陳慶長見當啟徵下忙錢糧辦理新漕喫緊之際是否該員等才不勝任原奏並未聲敘何以飭令回省另候差委其吳江縣一缺既係何際運正任何又委令署

理青浦縣事是吳江一缺又須委員署理矣似此無端更調實缺人員轉爲署事難保無避難就易爲人擇缺之弊其因何必當更調之處著趙德輿明白回奏尋奏接署縣缺實係遴委幹員藉資整頓並無避難就易情弊得旨著吏部查外官調署過多有無處分之例詳細具奏○諭軍機大臣等吳振棫張亮基奏滇省需餉緊急請飭催各省欠解餉銀一招據稱四川山西陝西等省奏撥協演餉銀除陸續解到並匯兌外四川欠解銀三萬九千八百兩山西欠解銀四萬八千兩陝西欠解銀十一萬三千一百兩見在滇省各營兵餉欠發太多本省又無款可籌著王慶雲英桂會望顏將各該省欠解滇餉迅卽籌撥派員趕緊解滇以濟急需無稍遲誤將此由五百里各諭令知之○諭吳振棫等奏請停鑄大錢一招鼓鑄當十大錢與制錢配成搭放原冀省銅而利用滇省兵

餉厥本等項既據該督撫體察情形實形壅滯自應隨時變通著准其收回大錢改鑄制錢其請將制錢銅斤酌減之處並照所議辦理另摺奏稱需餉緊急等語除廣東見難籌撥外已諭令四川山陝各督撫趕緊籌解以資接濟矣將此諭令知之○予雲南陣亡殉難知州濟爾哈椿等祭葬世職○丙寅都興阿奏臣等疊據湖廣總督官文咨商以北路定遠徐宿各營請援急切又以金陵浦口警信酌量分軍迅攻使李續賓克復潛桐後畱趙克彰等營防守桐城親率各營由舒城直擣三河僞城力援廬州以期與北路官軍會合夾攻臣都興阿分軍力攻安慶城中悍賊甚多晝夜撲出官軍時時接仗力圖圍攻因會商福建提督楊載福派三板船由樅陽繞進內湖聯絡聲勢派石清吉進紮東門開挖長濠漸次合圍下遊援賊屢犯樅陽義津橋一帶經所派馬隊會同水師

輪流巡堵正值防剿十分喫緊於十月十一日據趙克彰由桐城報稱三河援賊大至官兵出隊失利營盤被圍臣卽檄調樅陽馬隊飛速往援十三日連據探騎回稱三河官營全失賊匪甚多已過舒城見在桐城一帶軍民驚惶桐城各營距三河百八十里距舒城百二十里趙克彰往援不及僅於半途收集潰勇不足千名等語臣查桐城爲官軍後路設有疏失上接楚境在在堪虞遂於攻剿安慶各營抽派吉林二起馬隊星夜馳赴桐城協力堵剿至桐城離安慶亦一百二十里官兵勢難聯絡臣所部兵勇萬難籌撥惟有飛檄湖北糧道唐訓方將赴援徐宿之兵由英霍轉回潛山力援桐城暫救眉急又調候補道李續宜趕赴桐城統帶各營並咨官文催調各路援軍立派副都統舒保管帶馬隊由武昌馳赴下游援應見在多隆阿鮑超各營圍偏安慶與賊相持晝夜血

戰不能稍鬆桐城各營業已札飭趙克彰暫行統帶鎮靜堅持若李續宜唐訓方剋期趕到桐城尙能再期振作戰守庶有可資據探逆首陳玉城率大股逆眾由和州江浦上竄鈔繞官軍後路以解安慶城圍見在三河失利桐城危急安慶官軍腹背受敵仰懇天恩迅飭東路六合北路定遠各軍併力進剿不惟牽動各路賊勢廬州江浦亦可易於得手 上諭軍機大臣等前因李續宜援軍到皖連拔舒桐方冀直搗廬州俾皖省軍情漸有起色本日據都興阿奏該藩司深入失利見尙未知下落賊匪趨過舒城桐城危急逆首陳玉城欲鈔繞楚軍後路以解安慶城圍卽該將軍等亦有腹背受敵之勢已截回唐訓方等兵先行赴援並請飭定遠各軍進剿以圖牽制賊勢李續賓一軍所向無前不料遭此失挫聞之殊爲憤懣勝保等方盼楚兵到廬會合進剿今廬州賊勢

方張恐驟難進兵惟有杜其紛竄俟唐訓方等軍到後再圖會攻其六安一路應如何防其竄越著勝保翁同書通籌布置至五河被陷前據勝保奏請飭令袁甲三移師剿辦本日據袁甲三奏已派滕家勝帶兵前往攻剿該捻於初六日遁回懷鳳惟城廂內外盡成焦土官兵不能屯紮已飭滕家勝等扼要分紮聯絡鄉團以資防守所恐五河以下直達清淮袁甲三鞭長莫及著勝保翁同書籌商堵禦之方並知照河漕兩督分飭兵勇協力防剿爲要將此由六百里諭令知之○諭本日據都興阿奏李續賓分兵援廬失利桐城危急請飭各軍進剿等語逆匪大股由和州江浦上竄欲解安慶城圍李續賓一軍被圍失利都興阿見飛調各軍救援桐城逆眾麇聚於舒廬與六合賊匪連爲一氣此時速攻六合可分賊勢著德興阿卽飭成明等奮勇進攻以贖前愆毋再遷延觀

望坐誤事機德興阿以統兵大臣僻處邵伯並不敢前往揚州何
論儀徵六合見在彈章紛至若再毫無振作朕惟執法從事勿謂
寬典可倖邀也懷之將此由六百里諭令知之○諭都興阿奏李
續賓分軍援廬深入失利見在辦理情形並請飭東北兩路進剿
各等語覽奏實深憤懣李續賓克復潛山桐城後由舒城直擣三
河力援廬州不意援賊大至官營全失賊眾已過舒城都興阿見
在圍攻安慶官軍腹背受敵亟宜力籌攻剿以遏賊衝該將軍業
經飭令糧道唐訓方將赴援徐宿之兵由英霍轉回潛山力援桐
城並咨官文派舒保帶馬隊由武昌馳赴下游調度尙屬周妥本
日已寄諭官文照辦矣刻下賊勢猖獗意在救援安慶該將軍務
飭多隆阿鮑超圍偏安慶一面令趙克彰扼守桐城並迅飭李續
宜唐訓方剋期往援毋令稍有疏失楊載福水師由樅陽繞進內

湖卽可聯絡聲勢以固楚軍全局該逆大股由和州江浦上竄東
路六合北路定遠各軍自應乘虛進剿已諭令勝保翁同書德興
阿等併力進攻矣李續賓下落及失利情形著卽查明具奏將此
由六百里諭令知之○諭都興阿奏李續賓分兵援廬深入失利
請截畱兵勇回援潛桐一摺據稱浙江布政使李續賓克復潛桐
後由舒城直擣三河旋據探報援賊大至官營全失李續賓不知
下落賊匪已過舒城情形危迫請調道員唐訓方一軍回援桐城
等語覽奏實堪憤懣李續賓進攻三河欲赴廬州以期與北路官
軍會合不意援賊大至深入失利桐城距三河舒城僅百餘里爲
官軍後路設有疏失上接楚境在在堪虞湖北糧道唐訓方兵勇
前據官文奏業已調募齊全分起繞赴袁甲三大營助剿見在官
兵失利舒城復陷逼近桐城自應先其所急著官文卽飛飭唐訓

方兵勇趕緊由英霍轉回潛山力援桐城並飭候卹道李續宜趕赴桐城統帶各營並催調各路援軍派副都統舒保管帶馬隊由武昌馳赴下游援應以期軍威復振力拔堅城該大臣惟當統籌大局肅清皖逆卽以保固楚疆將此由六百里諭令知之○以捐輸軍餉永廣湖南岳州府學額九名平江縣六名○予江西陣亡巡檢安常祭葬世職○戊辰頒 硃諭本年鄉試主考同考各官荒謬已極覆勘試卷應訊辦查議者竟有五十本之多該考官等朕聞其中亦尙有不敢昧良者除同考官有無情賄逐案查訊外其正考官柏葰著先行革職聽候傳訊副考官朱鳳標程廷桂均著暫行解任聽候查辦至此案頭緒紛繁著欽派王大臣等毋得含混了事認真研鞫按例從嚴懲辦○予山東傷亡知縣彭鳳翽祭葬世職○已巳諭軍機大臣等前據都興阿奏李續賓進攻三

河失利當經諭令官文飭令唐訓方等由英霍往援桐城並派李續宜舒保等帶馬步隊速赴下游援應本日據官文奏李續賓失利情形與都興阿所奏大略相同李續宜舒保唐訓方等軍均已派令赴援與前旨亦相符合並擬將已到武昌之湖南兵一千五百名畱駐蘄州四川兵一千名到鄂後令赴六安暫駐所籌均尙周妥李續賓於失挫後據稱業已突出重圍急應速籌援救以冀重振軍威並著官文嚴飭李續宜舒保等探明李續賓實在駐紮何處星速馳援兼程前進毋許遷延貽誤至勝保軍營自李世忠投誠後雖滁全可無兼顧而兵力實形單薄所有湖南四川兵二千五百名一俟西路軍情稍鬆卽著全數馳赴勝保軍營候調至唐訓方阿達春兵勇著照該大臣所擬俟大局布置稍定卽令前赴袁甲三軍營調遣其普承堯劉騰鶴兩軍欠餉已諭令耆齡迅

卽籌給俾得卽赴潯城將此由六百里諭令知之○諭前因潛桐克復據官文奏請以普承堯劉騰鶴二軍調赴九江而以李續賓畱防兵勇撤回赴皖本日據官文奏李續賓克復潛桐後由舒城直擣三河因援賊眾多全軍失利亟須添兵馳援各等語普承堯劉騰鶴二軍見在餉項欠缺未能卽赴九江著耆齡將所欠餉項無論多寡設法籌措解往給發俾得迅速啟程俟行抵九江卽可由官文飭令李續賓所畱兵勇前赴桐城援應毋稍遲緩將此由六百里諭令知之○庚午 上還宮○諭軍機大臣等何桂清奏徽甯二府軍餉見由浙江每月解濟銀六萬兩池太南陵賊勢方張剿辦十分喫緊每月約需餉銀十二三萬兩而浙省月解之款尙多延欠卽徽州餉銀解往者亦屬寥寥請飭浙江巡撫查照舊章接濟等語徽甯爲浙省屏蔽距杭嘉湖三府尤爲切近亟應寬

爲籌備以固藩籬著胡興仁於每月應解徽甯餉銀六萬兩外再行每月籌撥銀二三萬兩仍由浙江委員經理按月如數撥解其徽甯道協濟之按月三萬兩仍不得短少俾得合成十二三萬兩之數以維大局毋許推諉將此由五百里諭令知之○辛未諭內閣惠親王近年籌畫軍務夙夜趨公著加恩在紫禁城內乘坐四人轎以節勞勩用示朕敬長酬庸至意○諭怡親王載垣科爾沁親王僧格林沁內外宣勤勳勞懋著均著加恩在紫禁城內乘坐二人椅轎以示優眷○諭軍機大臣等翁同書奏粵捻交乘定遠萬分危急一摺逆賊竊聚廬州經翁同書派遊擊馬昇平等帶兵進剿雖接仗獲勝仍未能挫其兇鋒若令四出竄撲則東西兩路軍營均將不可支拄勝保見在堵剿懷遠捻匪惟大營兵勇悉已調空情形實屬危急應如何抽撥精銳亟籌應援之處著勝保會

同翁同書悉心斟酌實力堵剿勿令廬逆遽得撲出以免疏虞前調赴皖之湖南四川官兵據官文奏因李續賓三河失利已畱見到武昌之湖南兵一千五百名駐紮蘄州其四川兵一千名亦擬令暫駐六安當諭以俟西路軍情稍鬆卽將此兩軍催令速赴勝保軍營聽調卽著勝保翁同書確行偵探如西南一帶道路稍通卽將此項川楚官兵催提到營酌量調撥以厚兵力將此由六百里各諭令知之○諭前因江北軍情喫緊疊經諭令王懿德將周天培一軍迅速調回援應並於該督請畱該總兵摺內明白批示矣本日復據王懿德奏汀屬軍情緊急周天培正由順昌將樂進剿已調副將張騰蛟等兵勇馳回金陵俟會國藩入閩再令周天培馳回等語周天培一軍本由江南調往援浙斷難久畱閩省見在江北江浦六合未復儀揚空虛急盼此軍前來助剿著俟會國

藩入閩卽飭該總兵統率所部迅速馳回江蘇交和春調度會國
藩見雖暫駐建昌不日卽可到閩所有汀州連城甯化等匪及江
西瑞金石城應須分防之處卽著責成併力兼籌認真堵剿至王
懿德所稱咨照會國藩酌派勁旅一併赴援江北之處如果周天
培張騰蛟兩軍先後前赴江蘇會國藩卽無庸再行派兵赴援將
此由六百里各諭令知之○予安徽陣亡知縣狄融等祭葬世職
○是月蠲緩山東濟甯等七十三州縣並德州等五衛被水被旱
被蟲被雹被風被坍村莊新舊額賦緩徵陝西清澗等三縣被雹
被旱村莊舊欠額賦賑給清澗縣貧民一月口糧免葉爾羌被擾
地方額徵布匹

十一月壬申朔諭軍機大臣等都興阿奏賊股大至桐城兵力不
支請飭各路官軍援應一摺逆眾攻撲桐城我軍步隊紛紛潰走

已至安慶都興阿因兵勇無多腹背受敵業經令多隆阿鮑超撤
安慶之圍設法繞至潛太一帶迎頭截擊冀有轉機見在桐城僅
有馬隊支持恐難固守而上游援兵尙未趕到設桐城有失賊勢
愈形猖獗昨據官文奏已調李續宜所部兵勇四千餘名及舒保
馬隊二百名由黃岡前進並調余際昌由霍山進發赴援淮北之
唐訓方阿達春兵勇亦由太湖一路直趨桐城業已諭令該大臣
飭令各路援軍兼程前進此時桐城萬分危急都興阿兵力甚單
該大臣務遵前旨飛催李續宜舒保等迅速往援其湖南四川新
到之兵如可前進著一併催令赴援毋稍遷延致滋貽誤將此由
六百里各諭令知之○諭見在徐州一帶捻匪分股竄擾勢甚彼
猖萬一北竄則東豫交界之處甚爲喫緊直隸本省無兵可撥山
東兵力亦單亟應另撥勁旅以遏匪蹤著慶祺西凌阿卽將駐紮

天津之吉林兵二百五十名黑龍江兵五百名察哈爾兵一千名
派協領關保管帶馳赴徐州一帶交袁甲三調遣前有旨令關保
來京引見著飭該協領迅卽啟程俟引見回津後卽帶兵分起南
行西凌阿俟官兵啟程後著卽回察哈爾本任毋庸來京陛見所
有此次派往徐州之官兵軍裝銀兩著慶祺迅籌豫備並咨令沿
途支應毋任缺乏將此諭令知之○浙江總督何桂清等奏請江
浙新漕仍由海運從之○癸酉和春奏查上游援賊以太平府屬
之銅井慈湖采石磯等處爲巢穴近復分踞小丹陽進擾江甯鎮
揚言內犯其勢甚張臣等先經派總兵戴文英等由溧水進兵取
道小丹陽會擣慈湖銅井一帶李若珠由板橋進兵規取江甯鎮
賊巢十月十一日戴文英等馳抵博望東村諜知小丹陽屯賊無
多當令馮子材等輕騎疾馳掩其不備該逆大股棄營四竄戴文

英親督馬隊分路兜鈔追殺十餘里斃匪極多遂將該鎮哨樓牆卡全行焚毀由此西去二十里爲許鎮係銅井慈湖往來要隘據探回竄之賊糾合各路死黨盤踞該鎮龍王山一帶聯營樹柵邊我要衝逆首周添幅招集江北悍賊復由金柱關渡江揚言二萬餘人卽日衝撲官軍營盤以圖大逞戴文英等會議我師懸軍深入利在速戰當派參將田宗揚爲中隊參將雷安邦爲左隊副將向奎等爲右隊協領穆克德恩等管帶親軍接應十三日行抵龍王山麓賊約三四人張兩翼以待向奎等指揮兵勇搶上山梁馮子材督隊夾攻斃匪多名乘勢衝殺而護駕墩許鎮各出逆匪兩股截我歸路戴文英令放劈山大礮環轟將賊隊衝爲數段馬隊合力包鈔斃賊甚多餘皆逃竄回巢該處設有卡隘數重守備葉雲漢等奮不顧身斬關直入登時被礮陣亡我師奮怒直前勇

氣百倍向奎等從礮火叢中亂流而渡與該逆往來擊刺各受重傷猶復裹創力戰當將各卡次第焚毀共計斃賊七八百名逆眾屢經潰敗見我聲勢正盛未敢久持夤夜棄巢而逸十四日戴文英等分途躡剿淨洗逆蹤方戴文英等進兵薛鎮也江甯鎮六郎橋等處屯賊分股往援李若珠探聞逆壘空虛當派副將劉萬德等分路襲取江甯鎮副將陳安邦等問道會擣六郎橋十五日我師銜枚疾走乘勝徑薄江甯鎮逆巢李若珠等帶隊開礮環轟壘殪守牆逆匪數十名賊勢不支劉季三等策騎過河繞出營後拔取竹籤鹿角一擁而入賊前後受敵倉卒不及迎拒奪路狂奔轟斃及淹溺者無算餘皆竄回銅井陳安邦遙見火起知我兵業已得手揚旗舉伏四面兜圍適劉萬德等追兵踵至首尾夾攻又復殲匪數百名所有江甯鎮六郎橋兩處賊壘十餘座同時踏毀於

是李若珠自板橋移紮江甯鎮戴文英等自薛鎮朱門一帶進紮六郎橋臣等當飭該鎮等乘此聲威相度機宜攻拔銅井老巢並派副將富升等管帶勁旅馳赴六郎橋剋期大舉十八日戴文英等率敢死之士五百名潛赴銅井後營奪門縱火逆壘火發槍礮之聲連環不絕富升等摩壘先登大兵鼓譟繼之烈燄蔽天賊眾殲斃不可數計餘匪奔逃復經羅大春迎頭截擊斬馘尤多我師乘銳長驅轉戰四時之久追奔五十餘里沿途席捲所向無前共克大小賊壘二十一座賊卡六道自銅井慈湖直擣采石磯逆巢醜類一律肅清從此圍攻建業西顧之憂可以稍紓實足以壯軍威惟該處距大營窺遠孤軍未便久畱當飭戴文英將賊營基址悉數鏟平絕其窺伺一面整旅仍回金陵探聞漏網餘逆大半奔回金柱關謀犯黃池先經飭令總兵鄭魁士等扼要設防嚴杜內

竄之路見在副將朱承先馳赴水陽相機堵剿並約鄧紹良由黃池派兵會剿 上諭內閣江南官軍旬日之內共克賊壘二十一座賊卡六道自銅井慈湖直擣采石磯逆巢一律肅清攻剿尙爲妥速著該大臣等乘此聲威迅卽克復金陵同膺懋賞○諭軍機大臣等德興阿奏江北兵單請飭黑龍江迅撥馬步兵丁等語見在黑龍江官兵在德興阿軍營止二百餘人不能成隊著奕山挑選餘丁一百名前赴揚州軍營應用毋稍遲誤又據奏江北將領傷亡病撤者甚多請調黑龍江得力各員前往等語所有黑龍江協領富陞阿四品官托克托布佐領額哲通額富平阿蘇楞額著奕山酌調數員派赴江北交德興阿軍營差遣將此由五百里諭令知之○諭德興阿奏揚營兵丁傷病甚多請飭抽調陝甘督標兵八百名河州鎮標循化保安起臺堡各營兵六百名固原提標

兵六百名漢中鎮屬兵八百名直隸大名正定兩營兵各四百名以資攻剿又據奏稱將領乏人查有陝甘署總兵副將郭相忠署副將成瑞遊擊趙秉鑑署參將張敬都司王禮陳應春署守備朱子俊均係英勇著名堪資管帶並馬匹疲瘦難期得力請調撥甘州孳生馬廠馬五百匹各等語江北軍情緊要急須攻復六合由東而西進取江浦以復舊觀該大臣所統兵將累年征戰傷亡疲病居多自應照數換補以期得力惟直隸爲京畿翊衛屢經征調營伍空虛未必再能多撥著慶祺於大名正定兩營內酌抽精銳合成四百名飭赴江北軍營陝甘亦係邊陲要地不能悉如該大臣所請著樂斌體察情形於所屬各標營湊撥兵一千名其所指調各該員弁能否酌調前往江北並著該督酌量辦理至孳生馬匹如能調撥三四百匹亦著飭赴德興阿軍營毋稍遲緩將此由

六百里各諭令知之○諭德興阿奏官軍進攻六合獲勝並請調直隸等處官兵各摺片總兵成明督兵進攻六合於猴子鋪孟家店一帶擊焚賊卡擒斬多名即可乘勝進攻殄茲醜類德興阿見已移營五臺山扼要駐紮著卽督飭各軍節節進逼務將六合江浦迅圖克復毋再遷延見在江南東自江甯鎮北至采石磯百餘里一律肅清是南岸剿辦正在得手若該逆窮極思竄則北岸防剿情形愈爲喫重德興阿兵勇潰散之後馬步僅止八千且多傷病自應量爲抽換惟直隸陝甘黑龍江官兵未能照數調撥致本地空虛本日已諭慶祺飭調直隸官兵四百名樂斌酌調陝甘官兵一千名奕山調黑龍江餘丁一百名馳赴該大臣軍營聽候調遣至請調將領馬匹除伊犁鎮總兵常英道途遙遠毋庸調派外其協領富陞阿等已諭奕山樂斌酌量派往其甘州孳生馬匹亦

諭該督酌撥三四百匹迅赴揚營矣至朱承先等兵勇前曾諭令
和春酌量飭赴江北並令將張國樑畱下之兵毋庸調回德興阿
惟當力圖振作親督各軍自東而西將六合江浦之賊次第掃除
並嚴扼該匪紛竄之路是爲至要將此由六百里諭令知之○予
江南陣亡參將苟蘭芬等祭葬世職○甲戌官文奏臣接據都興
阿咨稱十月十九日賊匪數萬傾巢來攻桐城我軍力戰不支紛
紛潰敗桐城爲安慶犄角桐城旣潰安慶攻圍之師前後受敵都
興阿一軍前有堅城未下後虞悍賊鈔截不若暫撤以保銳氣已
飛咨都興阿由石碑宿松一路撤退並撤李續宜等軍力扼潛太
一帶以牽賊勢臣思李續賓之敗原因急攻三河赴援廬州深入
重地頓失萬餘精銳非一二月所能復振查侍郎曾國藩前奉諭
旨督師赴閩見聞閩中已報肅清江西尙無緊要軍事皖楚正當

喫緊之時李續賓所統將弁勇丁均其舊部收集撫馭較易爲力
應請飭下曾國藩迅速帶兵來楚以遏皖賊所有李續賓潰散之
勇見飭李續宜接管收集統帶俟曾國藩到楚悉歸調度撫臣胡
林翼前蒙恩賞假歸葬茲葬事已畢請旨飭令卽赴署任籌辦防
勦事宜南勇易收拾所關甚要未可以假期未滿仍行拘泥請
假緩期至李續賓等各員雖無確實下落必已歿於行陣數載勤
勞一旦遽爲賊所戕深堪痛惜 上諭軍機大臣等前因賊撲桐
城都興阿兵力不支屢經諭令官文卽飭李續宜等赴援本日據
官文奏桐城兵潰都興阿前後受敵已令由石牌宿松一路撤退
請飭曾國藩赴楚督勦並請飭撫臣胡林翼卽赴署任等語福建
順昌將樂汀州等處賊眾肆擾軍情緊急曾國藩本擬由杉關入
閩因軍士染患疾疫至三千人之多以致未能前進尙駐建昌見

在閩省待援孔亟而兵勇患病更未便令其跋涉長途繞赴楚北統計楚省派出官兵及截留湖南四川兩軍爲數已不爲少普承堯卽抵九江李績賓所留兵勇亦可更換抽撥著官文催令李績宜等星速前進力扼潛太以衛楚疆此外兵勇酌量布置仍會合都興阿官兵相機進剿不得以盼望援師轉涉延誤胡林翼辦理軍務洞悉機宜見值軍務緊急該撫業已葬親事畢著卽馳赴署任協同官文籌辦軍務毋得過涉拘牽致有貽誤將此由六百里各諭令知之○諭勝保奏捻眾圍撲劉府圖襲殷澗該大臣躬親督戰跟追並請飭令袁甲三或唐訓方專辦懷遠捻匪各等語見在粵捻紛竄勝保難於兼顧自係實情惟唐訓方等尙在潛太袁甲三爲徐宿匪徒牽掣一時未必能卽赴懷遠此外更無可簡派之人仍著勝保統籌兼顧俟楚北布置稍定都興阿李績宜等援

應桐城扼守要隘不至竄入楚境則官文截畱之湖南四川兵卽可次第前來唐訓方等所帶兵勇亦可前赴徐宿其時袁甲三自能前赴懷遠與該大臣相助爲理至所調馬隊馬匹除已由袁甲三營分撥外其後起未到者前據該大臣奏稱專弁迎提何以至今尙未趕到著卽查明逗畱何處嚴催前進毋任耽延將此由六百里諭令知之○諭會國藩奏官軍分道入閩並陳見辦情形一摺據稱見派張運蘭一軍向杉關進剿蕭啟江一軍向廣昌進剿吳國佐一軍赴南豐等處擇要駐紮均分起拔營前進辦理情形朕亦不爲遙制該侍郎惟當督飭將士相機剿辦探知何處有賊卽由何處進剿以期迅殲醜類見在福建大股賊匪併注汀州俟順昌將樂賊匪剿除淨盡卽著會國藩督率後隊會合張運蘭等所帶各軍進剿汀州甯化各匪毋稍延緩至建昌等屬疾疫流行

各營兵勇見多染病著該侍郎妥爲拊循俾得迅速調治無誤軍
行將此由五百里諭令知之○諭前因江北軍情喫緊周天培一
時未能赴援王懿德先派副將張騰蛟帶兵勇二千五百名馳往
援應當經諭令將周天培張騰蛟兩軍一併飭赴江南交和春調
遣本日據胡興仁奏衢防緊要周天培已率所部由閩啟程張騰
蛟一軍卽日可到衢州擬請暫畱歸李定太調遣等語見在江北
浦口六合未復江南截剿各路援賊正須厚集兵力浙省全境業
已肅清情形較爲鬆緩不宜以有用之兵置之防守之地所有張
騰蛟一軍著該撫於到衢後仍催令趕緊前進速赴江南軍營歸
和春調遣其白沙關應設防兵著胡興仁會同張芾另行籌撥將
此由五百里諭令知之○諭勝保奏攻剿喫緊請仍截漕充餉等
語勝保軍營餉需向由豫省籌解近因潁壽一帶餉道阻滯撥款

未能源源接濟又聞河南庫款亦形支絀當此攻勦喫緊之際必得豫爲籌備准其於豫省本年起運漕糧內截留五萬石解往接濟漕糧爲天庾正供本不應輕議截留惟勝保軍營需餉甚急此項糧米著恆福查照成案酌量截留或酌解銀兩或銀米各半隨時變通辦理以裕軍食將此由五百里諭令知之○前署直隸總督瑞麟等奏酌擬撥添海口將弁並募水師足數緣由得旨明歲海防仍責成僧格林沁督辦此摺著僧格林沁察看具奏○乙亥諭軍機大臣等袁甲三奏徐州屢被兵燹無可再籌餉需山東省登萊青三府屬海口爲商船湊集之所請舉辦抽釐協濟各路軍餉等語軍營需餉浩繁山東省於奉撥餉項未能源源撥解自應亟爲籌畫該省紳富不乏急公慕義之人著崇恩察度情形揀派公正紳耆會同地方官勸諭捐輸至登萊青三府屬海口商船貨

本較鉅如能舉辦抽釐不無裨益其小本貿易一概不准抽收自可不至有拂輿情並著崇恩飭屬查覈妥議具奏惟餉需不繼借貸民力原屬萬不得已之舉該撫務須妥爲籌辦以期有益餉需不至徒增擾累開吏胥中飽之端將此諭令知之○諭僧格林沁奏察覈海口情形請豫調官兵一摺見在津沽海口各礮臺一律修造完竣明歲必須添調官兵前往以資防守著景淳奕山於吉林黑龍江兩處各挑撥馬隊精兵一千名配齊軍裝器械於本年十二月啟程俟明年二月初間必須行抵天津歸僧格林沁調遣毋稍延緩將此各諭令知之○諭昨據瑞麟慶祺奏酌擬撥添海口將弁並招募水師足數各情當交僧格林沁察覈具奏本日據覆稱該大臣所擬請裁移添設之將弁各缺均甚妥協其原設及新募之兵足資守禦業經降旨依議辦理矣惟據稱海口地方遼

閫尙須添調官兵以資防守所請調之吉林黑龍江蒙古兩盟及
察哈爾等處馬隊兵五千名均於二月初間可到合之僧格林沁
另帶京旗官兵二千名共有七千之數津郡見辦釐捐及鹽斤復
價猶恐不敷應用除飭戶部豫爲籌備外並著慶祺先期籌備以
免臨時缺乏將此諭令知之○蔡宗茂以病免以明緒署陝西按
察使

前甘肅按察使

○新設直隸天津海口前右營遊擊一以葛沽營遊

擊改駐前左營都司一以鞏華城都司改駐中左營都司一以三
河營都司改駐改大沽協左營都司爲中右營都司右營都司爲
後右營都司海口營守備爲後左營守備○丙子諭軍機大臣等
瑛棨奏擒匪猖獗見咨唐訓方等兵勇取道汝陳隨剿隨進等語
大股擒匪竄至扶溝太康一帶焚掠數至萬餘瑛棨因豫省兵力
過單咨商官文飭唐訓方等改由光州取道汝陳前往徐宿儻豫

境匪蹤尙熾卽擬令會同豫軍進剿爲豫防竄越之計惟此項兵勇前因李續賓全軍挫失桐城不支經官文飭由太湖一路直趨桐城急切不能他調恆福計已到省著就本省兵力嚴飭地方官弁悉力堵剿如旁竄路多著該撫擇其要隘親往駐紮調度楊昌泗邱聯恩等各軍探賊所向杜其紛竄勿得專待外兵致滋貽誤將此由六百里諭令知之○予河南陣亡同知馮景等祭葬世職○丁丑諭內閣陳孚恩奏派審案內牽涉伊子自請回避嚴議並請將伊子革職一摺據稱審訊平齡案內副考官程庭桂之子程炳采供稱陳孚恩之子陳景彥有交伊條子之事經陳孚恩嚴詰伊子屬實刑部候補員外郎陳景彥著卽革職歸案辦理陳孚恩並不知情著改爲交部議處此案關涉陳景彥之處陳孚恩著照例回避餘仍秉公會審毋庸回避全案○諭戶部奏請將未能設

法疏通鐵錢率行出示之知縣議處一摺山西平定州設立寶泉分局鼓鑄鐵制錢與銅錢一律行使商民久已相安乃孟縣知縣李昌熾以紳士稟請分成搭用不思善爲開導設法疏通並不申詳上司聽候籌辦輒敢率行出示不得盡用鐵錢以致鋪戶相戒不敢收售鐵錢實屬辦理不善李昌熾著交部議處以示懲儆並著山西巡撫通飭所屬徧行曉諭凡州縣徵收錢糧及商民交易務須照舊銅錢鐵錢一體行使儻有拘分成數或竟不用鐵錢者均照新定阻撓鑄務章程懲辦至各省地方無論是否設鑪鼓鑄鐵錢凡有鐵錢行用之處在官徵收錢糧與商民交易均應與銅錢一律行使不得歧視其地方州縣如有勒令分成致境內鐵制錢阻格不通者卽著指明嚴參照阻撓新章辦理以重圓法○諭軍機大臣等戶部奏據山西寶泉分局監督隋藏珠等呈稱平定

州等處銀價忽長訪係直隸奸商將運鐵錢數十萬串來州買銀約定九十月銀錢兩交遂致銀價驟長請飭直隸山西督撫查禁等語見在各處鼓鑄鐵制錢原期無分畛域流通利用乃該奸商等竟敢豫立期約越境販運致開買空賣空之弊見在該州銀價昂貴不特小民生計艱難錢法亦因之敝壞實屬大千例禁著慶祺飭查所屬毋令此等奸商出境私販並著英桂飭令平定州出示查禁一面訪拏懲辦以重圖法而利民用將此各諭令知之○己卯諭內閣禮部尚書徐澤醇人品端謹辦事老成由進士籤分吏部疊蒙 皇考宣宗成皇帝恩遇簡放外任洊擢封疆朕念其宣力有年特以禮部尚書內召服官中外典試禮闈均能勤慎宣勞克稱厥職茲以出差盛京感受微疾甫經兩次賞假方冀調理速痊遽聞溘逝軫惜殊深著賞給陀羅經被派貝子奕劻帶領侍

衛十員卽日前往奠醑加恩照尙書例賜卹任內一切處分悉予開復應得卹典該衙門察例具奏伊子候選知府見任山東同知徐彬著俟服闋後以山東知府補用伊孫監生徐承烜著賞給舉人一體會試以示朕篤念耆臣至意尋予祭葬諡恭勤○諭軍機大臣等都興阿奏撤圍安慶迎剿上犯賊匪連獲勝仗一摺桐城兵潰以後安慶各營腹背受敵經都興阿設法撤赴潛太一路並率同多隆阿等於黃泥港等處迎剿疊獲勝仗斃賊三千餘名又於王家畝等處踏毀賊營三十餘座斃賊三千餘名生擒五百餘名惟上犯賊匪眾至數萬蔓延潛太等處勢甚猖獗都興阿見扼宿松兵力較單著官文卽飭前派赴援之舒保李續宜普承堯等馬步各隊迅速前進以剿爲防不准令其蔓延及楚疆致剿辦復須費手至唐訓方一軍見駐陳德園地方北路需兵亦甚緊急一俟

舒保等與鄧興阿會合軍情稍定卽遵前旨仍著該員帶兵速赴
袁甲三軍營聽候調遣將此由六百里各諭令知之○以朱麟爲
禮部尚書由左都御史遷○庚辰諭軍機大臣等鄧紹良奏賊眾兵單甯
防危急一摺大股逆眾數萬人內犯黃池等處孤山壩鴉山兩防
營盤兵本不多近因糧缺饑疲均被逆賊衝潰雖經鄧紹良將突
圍兵勇及方村石碓撤退之師派赴紅楊樹方山西河一帶據河
築壘而賊匪已將犯入宣城南陵又復告警甯防危急深爲可慮
本日已諭令胡興仁設法籌措軍餉按月十二三萬之數趕緊解
赴甯國軍營矣黃池灣沚爲皖南屏蔽江浙門戶必須厚集兵力
堵其紛竄昨據和春奏抽撥各營勁旅五千派戴文英統帶取道
高淳前往應援著卽飛飭該總兵迅速啟程此外有無可撥之兵
該大臣等務當不分畛域移緩就急妥籌布置鄧紹良務當撫循

士卒毋令軍心渙散至閩省折回之兵勇二千五百名因張騰蛟患病派遊擊馮日坤等管帶本日據胡興仁奏因甯防兵單飭令先赴甯國聽候鄧紹良調遣計已兼程趕至鄧紹良得此一軍相助亦足稍振軍聲其周天培帶兵已抵衢州該撫擬令改由甯國行走惟江南見亦需兵已諭胡興仁令周天培仍赴和春軍營到時或畱江南或撥往揚州由該大臣等酌量辦理可也將此由六百里諭知和春張國樑許乃釗並傳諭鄧紹良知之○諭本日據鄧紹良奏兵勇缺餉賊眾分撲孤山壩鴉山各營於十月二十三等日先後潰失並有因索餉譁鬧之事是鄧紹良所部一軍其勢已成渙散必須由浙趕緊籌撥兵餉庶可固結軍心著胡興仁卽遵前旨設法籌措務按每月十二三萬兩之數源源解赴徽甯軍營毋得藉詞耽延致有貽誤至胡興仁奏稱甯防喫緊將由福建

折回之兵勇二千五百名飭赴甯國聽候鄧紹良調遣此項兵勇著卽催令馮日坤等統帶迅速前進其總兵周天培見已行抵衢州俟到杭後仍著馳赴江南大營聽候和春調遣將此由六百里諭令知之○諭前因李續賓三河失利桐城危急當諭官文飛飭唐訓方轉回潛山力援桐城俟大局布置稍定再令赴袁甲三軍營調遣茲據勝保等奏袁甲三爲北路餘捻牽掣請飭唐訓方由六安正陽一路進紮攻剿懷遠等語唐訓方一軍昨據都興阿奏已撤轉張家塆扼守陳德園一帶以固楚疆業經諭令官文等俟楚北軍務稍定卽飭仍赴徐宿未便朝令暮改以致無所適從其懷遠一帶見無專辦之人著該大臣等仍遵前旨分籌兼顧其湖南四川兵二千五百名本係勝保所調見在湖北防堵業經諭令官文俟該省軍情稍定卽行飭赴勝保軍營著該大臣就近催提

以資攻剿至所請吉林黑龍江補額兵丁該二省外調已多未知能否如數撥給已諭該將軍等酌量辦理矣將此由六百里諭令知之○諭勝保奏馬隊不敷調遣請添補缺額等語勝保軍營所有吉林官兵遣撤及病故陣亡迷失者共二百二十二名黑龍江遣撤及病故陣亡官兵共一百二十七名所餘馬隊不能成軍見當粵捻各匪交乘之際剿辦甚屬喫緊請照數添調足額惟該二省馬隊官兵屢經徵調能否挑補足額殊難懸揣著景淳奕山各於該省正兵餘丁閒散三項中酌量挑選配齊軍裝器械飭赴安徽定遠軍營毋稍遲誤將此由五百里各諭令知之○諭恆福奏擒匪滋擾陳州府屬並周家口地方經官兵擊退見飭各帶兵官進剿一摺擒逆孫葵心等大股竄擾陳郡所屬地方前經瑛榮奏聞當卽寄諭該撫到省後卽就本省兵勇嚴飭各軍悉力防剿如

紛竄路多該撫卽當擇要親往駐紮妥爲調度並諭知唐訓方一軍見因皖省舒桐楚軍新挫由太湖一路進紮急切不能他調勢難望其改道與豫軍合力堵擊茲據奏稱擒匪分股回竄歸德直撲郡城經在城文武兵勇擊退向西南竄逸一由扶溝太康一帶竄入周家口亦因官兵追勦不敢停畱往來奔竄逆餒鴟張並未大加懲創其分由各路竄走者究竟擾及何處地方亟應嚴飭各路文武及帶兵各員星馳進勦周家口通判王可思於該匪竄至雖據稟報督率勇練迎擊旋因匪股大至眾寡不敵被竄入街有無臨事退避情形著該撫查明具奏此外營汛各官並著查明參處總兵楊昌泗已到豫省據稱患病暫畱省城調治有無畏怯情弊亦著查明據實具奏其裴家橋聚匪經練勇擊敗卽應乘勢埽除淨盡該撫甫經抵任於豫省軍情務須詳細諮籌分飭營總蘇

克金遊擊汪長清等兵勇與傅振邦等軍探明賊蹤會同擊剿毋
稍疏忽是爲至要將此由五百里諭令知之○以張祥河爲左都
御史調萬青黎爲吏部右侍郎轉徐樹銘爲兵部左侍郎以李維
翰爲兵部右侍郎

署兵部侍郎

○辛巳諭軍機大臣等據廖鴻荃奏福

建省永豐官局前因提用局票過多局夥倚恃委員護庇買空賣
空致民間不復信用局票物價日昂奸徒鼓煽致有三月間闖入
督署之事乃鐵錢窒礙議復銅錢以二成錢票一成見錢搭放市
肆未見分文多被奸民運赴省外銷售近因彌補票本設局勸捐
怨聲載道將來此項捐貲若復那移別用更何以爲清釐官局之
資一朝潰裂患不勝言等語該省設立官局原期酌盈劑虛便民
利用若任令委員盤踞奸夥營私不思力加整頓必致官民交困
王懿德見在出省督兵所有該局倚勢作奸之委員著派東純會

同慶端嚴參懲辦局夥奸民從中漁利者一併嚴懲以除積弊至錢票與見錢分成搭放該省銅錢本不敷用不准奸民外運私銷日久自堪補救其勸捐一節原屬不得已之舉亦須俯順輿情不得抑勒苛派致滋怨讟該將軍巡撫務當通盤籌畫剔弊釐奸嚴定章程飭屬妥辦以資周轉而裕民生將此諭令知之○壬午諭軍機大臣等前因官文奏胡林翼葬親事畢當經諭令該署撫卽赴湖北署任籌辦軍務本日據都興阿奏扼勦上犯賊匪兵力單薄勢恐難支請飭胡林翼駐紮黃梅督辦等語都興阿撤安慶之圍馳赴宿松後賊隊大至雖經連次擊退而援兵未到情形萬分危急胡林翼前在湖北調度各軍悉合機宜此時該署撫諒已到省卽著前往黃梅一帶駐紮將撥兵籌餉各事宜妥爲督辦至都興阿身任將軍且係幫辦軍務除所部各營外其餘兵勇亦應聽

其調度所有舒保李續宜等馬步各軍早經官文派出赴援何以
日久不至卽著該將軍速行催提前赴宿太一路協力攻剿儻有
耽延不進以致貽誤機宜者卽著從嚴參奏將此由六百里各諭
令知之○諭駱秉章奏楚軍失利閩賊漸遠請飭會國藩移師援
皖一摺李續賓一軍進攻三河全軍失陷至今尙無下落都興阿
圍攻安慶之師亦經撤回宿松一帶皖北賊勢鴟張楚省邊防喫
緊諒會國藩亦必有探報此時閩省之賊已南趨漳泉距江西漸
遠若照駱秉章所請令該侍郎移師援皖而畱蕭啟江所部四千
餘人防守江西亦未始非權衡緩急之計惟會國藩所部各軍多
染疾疫前奏尙須休息且景德鎮尙有大股逆匪隨剿隨進亦非
計日可到著會國藩豫爲籌度如果閩省賊匪本省兵勇足資剿
辦而江西邊境防剿有人自以赴援皖省尤爲緊要不但廬州省

城可收南北夾攻之效卽上竄湖北之路亦可藉資堵扼儻因汀州甯化等處尙需兵力一時不能移軍或須俟景德股匪殲除再回楚北亦著斟酌具奏將此由六百里諭令知之○諭前因江北軍情緊要疊經寄諭和春等於溧水克復後卽飭朱承先一軍渡江赴援嗣據覆稱因鄭魁士撥赴水陽地方並分守高淳東壩各要隘正在喫重俟防務稍鬆卽飭渡江等語本日據德興阿奏協攻六合兵力單薄朱承先一軍不能遽到實深焦急等語六合賊勢鴟張極應迅速進兵卽朱承先等一時未能遽到該大臣亦豈能專待此軍株守揚州不思振作據稱鞠殿華等已帶兵馳赴儀徵六合交界該大臣統轄全軍正當親督重兵移營進剿爲鞠殿華後路聲援見在揚州郡城已開毛三元及安勇等兵勇分紮足資堵禦該大臣惟當迅速拔營前進督飭成明等共搗六合迅圖

恢復以贖前愆不得專待南岸援軍致誤事機將此由六百里諭令知之○癸未諭內閣朕自上年秋間染患骸疾一載以來郊壇大典未能躬詣每抱歉忱本年冬至 圜丘大祀業經降旨親詣行禮茲據惠親王等合詞具奏以朕體雖愈步履尙未如常登降拜跪恐多勉強籲請仍暫緩親詣揆諸朕心實有難安該王大臣等於召見時再三籲懇因念 大禮攸關設有愆儀轉不足以昭誠敬不得已勉從所請所有本年冬至 大祀著派恭親王奕訢恭代行禮並著在禁城內齋宿先期一日詣 壇內齋宿朕仍在宮內敬謹致齋十八日親詣 大高殿行禮以嚴對越○乙酉諭內閣勞崇光奏馬平縣通賊村莊分別勦撫竣事一摺廣西馬平縣一都地方莠民接濟賊糧隨同滋擾本年六月糾約潯州艇匪上竄蔣益澧克復慶遠府城後督勇回至柳州與朱孫詒傳集

紳團並派參將蔣益恭等帶勇分路駐紮七月二十四日至八月初五等日先後斃賊二千餘名從賊之老圍隴各村莊全行平毀生擒及緝獲各犯就地正法被脅各匪均自投來歸辦理尙爲妥協該處通賊村莊業經勦捕殲其兇悍所有悔罪投誠之眾本係脅從均著寬其既往予以自新並飭地方官妥爲安撫仍嚴緝在逃各匪犯按名弋獲以靖閭閻○以浙軍援閩克復浦城順昌等城予總兵官周天培以提督用○予廣西殉難知縣王康濟陣亡參將謝年豐等祭葬世職○予廣西殉難學政沈炳垣總兵官蔣福長建祠○丙戌諭內閣恆福奏官軍追勦皖捻大獲勝仗豫境肅清一摺安徽捻匪竄撲河南周家口北岸之爬子街焚掠經參將承惠等督帶兵勇會合團勇夾攻匪眾敗退官軍分投追殺至薛家灣瓦罐等處斃匪三四百名救出難民一百餘口賊匪東竄

傅振邦袁保恆等督帶馬步各隊馳往會剿斃匪三百餘名適委
參領滿堂等馬隊星馳趕到協同追殺四十餘里救出被裹難民
二千餘口又總兵邱聯恩帶兵追賊至皖境高王廟地方截殺賊
匪二百餘名救出難民四百餘口此股捻匪竄擾豫境擄掠經官
軍痛加剿戮將輜重盡行奪回實足以快人心而寒賊膽見在豫
境肅清著恆福嚴飭帶兵各官扼要密防勿令匪蹤闖入所有出
力文武員弁兵勇著會同袁甲三擇尤保奏○諭軍機大臣等札
拉芬奏奏飭補俄商茶斤請由歸化城豫爲採買等語塔爾巴哈
台燒毀俄夷貿易圈子一案經札拉芬泰等議定以武夷茶五千
五百箱貼補被燒夷貨本年十月間先付二千五百箱據該將軍
等奏已於徵存茶稅內發價置備給發清楚其咸豐九十兩年每
年應給武夷茶各一千五百箱據稱口外茶價日昂茶稅盈絀無

定誠恐屆時購辦不及轉滋口實歸化城爲茶商總匯之區若由該處官爲採買卽在山西欠解甘餉內動款給價較有把握等語此項茶斤以見在塔爾巴哈台茶價而論計需銀五萬四千餘兩山西省積欠甘餉尙有一百三十餘萬其中應解伊犁之項數亦不少若由歸化城就近購茶運解塔爾巴哈台而於該省欠解甘餉內照數扣抵實屬一舉兩得著成凱英桂各派妥員照依該將軍等咨送茶樣陸續採買足數由臺驛遞塔爾巴哈台交收或分作兩年運解或於明年一併購運均著酌量辦理但每年所需一千五百箱總不得逾十月之期以免延誤並不得徵變短少致令別生枝節所需運腳卽以解餉運費作抵亦無庸另行籌款也將此各諭令知之○諭恆福奏督勦皖捻各軍擬責成總兵邱聯恩統帶一摺皖省捻匪雖經敗竄回巢而賊情詭譎難保不復萌窺

伺亟應嚴密堵剿以免延蔓該撫統轄全省軍務責無旁貸雖據稱政務殷繁必應居中調度庶無廢弛何路邊防喫緊卽往何處策應亦不至顧此失彼所有駐紮歸陳等處官兵著照所請悉歸南陽鎮總兵邱聯恩統帶扼要嚴防毋任逆捻再得闖入豫境仍與袁甲三傳振邦朱連泰各軍聯絡聲勢相機進剿以冀悉殲醜類軍情變幻靡常遇有緊要機宜該鎮務應悉心籌畫不必事事咨商該撫轉致遲延貽誤至總管德楞額積勞成疾業已撤回原營所請飭令黑龍江將軍另派總管一員赴豫之處昨撥黑龍江馬隊五百名前赴袁甲三軍營約於日內啟程著恆福咨商袁甲三卽於此項帶兵官內酌派一員前赴河南管帶馬隊以免另行飭調轉稽時日將此由五百里諭令知之○以河南軹橋剿捻獲勝予總兵官傅振邦以提督用賞翰林院編修袁保恆巴圖魯名

號○予河南陣亡縣丞余宗沅等祭葬世職追予陣亡同知馮景建祠余宗沅等附祀○丁亥諭軍機大臣等桂良等奏夷務關繫重大請旨遵辦一摺桂良等疊次陳奏辦理情形業經剴切訓示總以阻其進京停其江路通商並將遊行內地罷議及早歸還廣東省城四事爲最要桂良等果肯竭力轉圜何至徘徊兩月有餘又復奏請訓示前次准將欽差移至上海若仍准其隨時進京豈不與駐京無異又何必改欽差於上海且何必派桂良等前往挽回耶總之進京一節萬不能允內江通商必須消弭其餘兩事亦當設法妥辦桂良等既擬在上海互換條約卽著迅速定議將此四事挽回議定之後速行奏聞並將條約進呈閱後卽在上海互換至桂良等派辦夷務挽回條約是其專責設或事至決裂必須用兵斷不能歸罪於議事之人若不能阻其進京以致夷船復至

天津則無論動兵與否朕惟桂良等是問○諭袁甲三奏請飭各省挑選官兵馬匹來營補額等語袁甲三所統直隸山東河南各營官兵從征日久缺額甚多幾至不能成隊其馬匹亦多倒斃遺失見在各營馬兵有馬者不及十分之一當此攻勦喫緊之際亟應挑補足額以壯軍威據奏業已造冊咨照補送著慶祺崇恩恆福卽按照袁甲三所送清冊督飭各原營將應補兵丁馬匹認真挑選配齊器械揀派得力之遊擊都司等官管帶統限本年十二月內一律馳抵袁甲三軍營以厚兵力毋許藉詞耽延及以老弱充數將此由五百里各諭令知之○袁甲三奏援勦獲勝豫境肅清營員請獎得旨汝子保恆奮勇衝鋒甚屬可嘉○戊子官文都興阿奏臣都興阿所部鮑超霆字五營紮於二郎河多隆阿精選開化等營紮宿松相隔三十餘里中間以馬隊往來梭巡聯絡十

一月初六日探知逆賊竄至花涼亭二十五里墩荆橋一帶築壘
逼近各路官營不戰必致坐困是日晚間多隆阿探知荆橋賊勢
稍緩潛率精選開化等營銜枚疾進馳至二郎河會合霆營由車
谷嶺調石清吉飛虎三營分道進剿花涼亭一路臣都興阿率馬
隊設伏而進我軍部署甫定賊已大股分布數十層縣互二十餘
里遙擁來撲多隆阿等分途迎擊鏖戰逾時勇氣倍增埋伏馬隊
一路繞山右橫衝一路迎前直突馳過賊壘之後燒毀後路賊壘
及賊踞村莊數十處殲斃賊匪甚夥前敵賊陣漸亂步隊乘勢攻
擊賊潰竄山谷遂將花涼亭一帶賊壘全行削平馬隊追殺三十
餘里一路賊壘悉行踏平計殺賊七八千逃散裹脅亦數千名生
擒五百餘名是晚多隆阿恐宿松空虛連夜仍回宿松次日黎明
向荆橋一路排開隊伍以壯聲威奏入 上嘉之○庚寅諭軍機

大臣等崇恩奏逆匪闖入東境調兵剿辦連獲勝仗一摺皖省逆匪窺伺東境闖入曹單等屬地方雖經該撫調派兵勇接仗獲勝賊已南竄惟該逆人數眾多並未大受懲創難保不復行肆擾著崇恩卽飭各帶兵官探明賊蹤所向實力追剿並激勵鄉團會同堵禦毋任匪眾得以回竄儻事機較緊卽著該撫親督馬步各軍出省防剿將此由五百里諭令知之○諭前因徐宿需兵諭令將駐紮天津之吉林黑龍江察哈爾等處官兵共一千七百五十名交協領關保統帶前往助剿本日據崇恩奏賊匪攻撲東省邊境單縣兵勇接仗失利嘉祥鉅野亦有賊蹤大股屯踞金鄉經黃良楷等帶兵擊退餘賊向南敗竄各等語見在關保帶兵由天津前赴徐宿道出山東經行之地恐有賊蹤著西凌阿傳諭關保於行抵東境時卽須豫爲戒備齊隊前進其軍火器械必須隨身攜帶

以便遇賊卽剿毋許參差落後致令爲賊所乘如關保業已啟程卽著西凌阿飛咨沿途知照以免疏失將此諭知西凌阿並傳諭關保知之○辛卯諭軍機大臣等前因鄧紹良奏兵勇缺餉勢已渙散當經諭令胡興仁將甯國餉銀按月如數籌解本日據胡興仁奏浙省籌餉支絀見惟盡力措解請飭令兩江總督嚴飭皖南道鄧瀛共濟時艱等語浙江省協濟徽甯軍餉從前原尙寬裕自粵匪竄擾衢處等屬浙省自籌防剿經費諸形支絀尙屬實情惟據鄧紹良奏稱甯防官軍因缺乏餉需以致孤山壩等處營盤相繼失陷皖南所屬各郡邑除徽州一府由張芾自行籌辦外池太兩府尙未收復廣建兩州縣錢漕復爲翁同書提用止有甯國所屬六縣每月籌銀三萬兩尙屬勉強勢難再加甯郡爲浙省藩籬該撫必當統籌大局豈可稍分畛域致有貽誤著胡興仁遵照前

旨於每月應解六萬兩外仍按月再行籌撥銀二三萬兩與徽甯道月措三萬兩湊成每月十二三萬兩之數俾該處官兵不至因缺餉滋事甚至潰散至舊欠口糧爲數較多原難一時補解止可陸續補苴務當源源協濟不得以籌措艱難稍涉推諉將此由五百里諭令知之○予安徽陣亡遊擊曹興隆等祭葬世職○壬辰諭內閣廓爾喀王前因備兵協同勦賊誠悃之至恭順報效當經賞給貂褂蟒袍等件茲據謝恩進表殊屬可嘉著加恩由內交出紅寶石頂二品頂花翎交滿慶轉分該王蘇熱達熱果噶爾瑪薩哈噶箕藏格巴都爾等戴用以示鼓勵○諭軍機大臣等前因勝保軍營兵力單薄諭令官文將截畱之湖南四川官兵二千五百名俟西路稍鬆仍令馳赴勝保軍營茲據勝保奏稱南北賊眾每一竄突動輒數萬該大臣見在定遠四面皆賊兵力止有此數請

飭官文將川楚官兵催令赴營等語勝保以重軍固守定遠扼制南北賊衝並兼顧東西兩路當此粵捻各匪勢甚猖獗兵力不敷防剿自係實在情形楚北防守事宜官文已布置周備著體察近日軍情卽飭川楚官兵迅速前赴勝保軍營以資助剿其普承堯一軍已到九江如有人接替並著飭令一併迅赴勝保軍營先其所急以顧大局將此由六百里諭令知之○諭勝保等奏籌辦南北粵捻各匪情形請飭催川楚各兵助剿一摺皖省南路自舒桐連陷廬州賊勢益張北路復有捻匪猖獗自非添調勁旅未易兼顧官文暫畱之湖南兵一千五百名四川兵一千名皆因李續賓新挫不得已移緩就急其普承堯一軍亦派在九江巡防已屢諭官文查看楚省軍情稍鬆卽飭催川楚各軍赴皖本日復寄諭飭令與普承堯所帶之兵迅卽赴皖矣至綏遠城馬隊曾據袁甲三

奏將後起二百名撥赴勝保軍營而勝保止收到一百名其餘在何處逗留無迷失著卽查明具奏見在復派關保由天津帶吉林黑龍江察哈爾兵一千七百五十名赴袁甲三徐宿軍營以杜北竄此項官兵到徐宿後著勝保咨商袁甲三將截畱之頭起綏遠城兵三百名調赴皖營助剿其吉林黑龍江缺額兵丁甫經諭景瀉等挑補尙未覆奏遠道何能速到況爲數亦屬無多勝保等稍待數日湖北大隊必可到營彼時分投布置較易爲力也該大臣又以豫省喫重請調索文帶精兵一二千名並多帶甘省馬隊馳赴汴梁堵剿甘肅爲西陲重地近來野番出沒無常該提督控制頗爲得力且陝甘各鎮在軍營者居多未便調索文赴豫至陝甘兵力實已空虛河南前調陝甘官兵已不能湊足一千之數見交楊昌泗帶往昨據德興阿奏請撥兵會諭樂斌酌調見未復奏

能否調撥尙未可知勢難再調歸陳等處捻匪經傳振邦袁保恆
前往夾擊大獲勝仗全境肅清恆福到後又奏派邱聯恩總統各
兵共六千名居中策應設或賊蹤偏近開封恆福自有調度此時
勝保原難兼顧也將此由六百里諭令知之○甲午胡林翼奏查
李續賓所部各營提師入皖一月之內攻克四城又復急援廬州
兵以屢分而單氣以屢勝而洩是固兵家之深忌也破桐城後分
營畱守以數千之眾用之賊所必爭之地前無牽制援賊之兵後
無彼此犄角之勢百戰之餘覆於一旦良可痛惜李續賓忠勇剛
烈其質直厚重與漢周勃相似臣與共事最久見其每戰必先不
會少卻一步且湘勇召募之始整齊樸實甲於諸軍而肅清兩湖
平定江西其功亦冠於諸軍李續賓旣以身殉而同時陣亡之道
員副將以及州縣千把不可勝計是則變起非常軍氣已寒非歲

月之間所能復振臣之才力何能補救於萬一惟時事艱難既未
敢稍形推諉亦未可因假期未滿稍涉遲回見於十一月十三日
啟程馳赴鄂省仍在湖南選將募勇以爲後圖新募之勇勢難剋
期而至若待成軍啟行仍恐貽誤事機臣卽一面先行馳往營中
以期就近商辦呼應較靈報聞○乙未諭軍機大臣等王慶雲奏
委員協勦黔匪陣亡並籌防本境情形一摺貴州思南府匪徒窺
伺川疆經派防酉秀之卽補同知直隸州李漸鴻越窩廳同知凌
樹棠等渡河協勦均以力竭陣亡旋經副將鄒鸞章等帶兵馳至
匪眾未敢過河該督已調派重慶鎮等官兵馳往協同堵禦惟黔
省逆匪勢正猖獗酉秀邊防彌形喫重見調官兵是否足敷堵勦
著王慶雲就見在情形悉心酌度如須添派兵勇以壯聲威卽著
速爲調派毋令該匪闖入完善之區至在防將吏是否得力或應

派大員統率並著妥籌辦理四川兵力可用餉需亦尙堪籌撥如能相機進剿埽除黔匪卽以鞏固川防未容株守邊疆稍分畛域李漸鴻凌樹棠等陣亡情形卽著查明請卹將此由五百里諭令知之○丙申諭軍機大臣等昨據胡興仁奏戴文英營盤被匪燒毀數座兵勇間有潰散鄧紹良大營亦被圍困本日復據和春等奏戴文英所部兵勇全行潰散鄧紹良營盤五座被圍聲息不通等語賊勢猖獗甯國軍情萬分迫切此時急須先解鄧紹良之圍一面保衛郡城以維大局鄭魁士旣因舊傷復發不能前往周天培諒已馳抵甯國該大臣等卽飭悉力應援鄧紹良灣沚營盤與朱承先馮日坤等會同攻剿冀得轉危爲安以杜該逆內竄之路俟灣黃一帶情形稍鬆再調周天培等前赴金陵至高淳東壩均屬蘇常要道見在鄭魁士魯占鼐鎮守當可無虞仍著和春等隨

時相機調度務保腹地勿令蔓延並查明戴文英下落具奏將此
由六百里諭令知之○諭崇恩奏調兵集勇出省剿匪一摺捻匪
蘇添幅等闖入東境前據崇恩奏稱官軍獲勝賊已南竄茲復蔓
延鄆鉅一帶窺伺濟甯雖經擊退而捻蹤飄忽無常尙未痛加懲
創該撫見在調集馬步兵勇親往督剿惟兵力尙單必當激勵鄉
團藉資捍衛以收眾志成城之效所有協領關保帶領吉林等處
官兵一千七百五十名見入山東境內前因東境見有賊蹤諭令
該撫卽飭該協領攜帶器械整隊前進今東省捻勢猖獗著崇恩
催提關保一軍暫畱調遣爲移緩就急之計如捻氛已遠卽飭關
保帶兵馳赴袁甲三軍營勿令久稽將此由五百里諭令知之○
丁酉諭軍機大臣等昨據和春奏鄧紹良大營被圍當諭令周天
培已抵甯國卽飭悉力應援本日據胡興仁奏探聞鄧紹良於本

月十二日接仗陣亡等語覽奏實深憤懣甯國爲江浙門戶鄧紹良一軍旣已敗潰恐朱承先馮日坤等兵勇不敷堵剿周天培諒已馳抵甯國如果鄧紹良陣亡屬實著和春等一面馳奏一面傳旨將周天培署理浙江提督令其督辦甯國軍務迅將此股逆匪痛加剿洗毋令蔓延鄧紹良陣亡情形俟奏到時再行降旨賜卹甯國郡城是否尙保無虞著該大臣等迅速撥兵救援將此由六百里諭令知之○諭德興阿奏擬俟築定營壘移攻六合及樓陳需餉情形各等語已寄諭英桂照舊按月籌撥銀三萬兩解赴江北軍營並准該大臣所請諭令何桂清將江北各屬本年漕糧變價同應徵漕項銀兩一併照舊充餉並設法籌濟軍餉矣六合增營之地經該大臣親往察看此時朱承先周天培各軍均因甯國緊要不能移動卽著就所募新勇並見有兵力迅速拔營前進督

飭成明等共擣六合若俟營壘築定始行進兵稽延時日徒誤事
機德興阿等僨軍失利不加嚴譴正望其建功贖罪儻再節節耽
延豈能當此重咎耶將此由六百里諭令知之○諭德興阿奏畱
防江北兵勇計需月餉甚多及請將漕糧變價解充軍餉等語江
南畱防江北兵勇二千六百餘名按照南岸餉數發給計江北糧
臺月餉須添萬餘兩之多實恐不敷支應著何桂清設法籌款接
濟其本年江北各屬漕糧並著該督按照舊章變價同應徵漕項
銀兩一併解歸江北糧臺充餉免撥他用以濟要需將此由六百
里諭令知之○諭袁甲三奏通籌剿匪全局請飭東豫合力會剿
一摺張龔等逆聚踞懷鳳以達蒙亳橫互千餘里徧地賊圩來往
自由四路可通袁甲三所統兵勇本不甚多加以畱防各處愈分
愈單豫東兩省雖各有防兵而零星分布無險可扼見在剿捻各

軍東馳西應奔命不遑不過應敵之兵不能制賊死命一經紛竄兵力又爲牽掣於勦務全局仍無把握崇恩已派濟東道黃良楷督辦曹濟一帶防堵恒福已調撥兵勇責成邱聯恩扼要防守籌防之地距賊巢不過數十里及百餘里不等若能同時並進逼近賊圩必可得手著恒福集成兵勇七八千人統交邱聯恩格綑額等督帶力圖埽蕩昨據崇恩奏賊窺濟甯已親帶兵勇由濟甯西南一帶相機勦辦前奏金鄉等處匪徒業經擊退何以又復北趨是否有土匪從中勾結以致逆燄復張著崇恩於防邊兵勇內照豫省之數籌撥添派武職大員會同黃良楷統帶由鄆鉅一帶節節進逼所有東豫兵勇均著進至永亳一帶與袁甲三合擣賊圩以期埽穴擒渠共殄醜類第兵勇出境會勦而本境亦不得不嚴加防守仍須各就地方情形斟酌辦理其吉林等處馬隊官兵路

過山東暫准崇恩截畱調遣俟追剿出境卽歸袁甲三軍營毋得
久畱將此由六百里各諭令知之○諭本日據袁甲三奏北竄股
匪經官兵追剿獲勝並通籌剿匪全局請飭山東河南兵勇趁此
得力馬隊迅速會剿各一摺北竄股匪乘虛奔突因知東北一帶
各鄉團布置嚴防繞竄東境之金嘉一路昨據崇恩奏捻逆蘇添
幅等闖入東境蔓延鄆鉅一帶窺伺濟甯已諭令催提關保一軍
暫畱調遣如捻氛已遠卽飭赴袁甲三軍營勿令久稽見在捻勢
披猖濟甯爲東境要衝尤宜力杜其北竄之路著袁甲三先就見
有兵勇扼要截擊勿令蔓延東省所有河南山東兵勇本日已諭
知恆福崇恩各就本境防兵派員統帶以剿爲防不得區分畛域
致令賊勢蔓延著袁甲三卽會同河南山東各撫派出各軍併力
進剿迅速掃蕩賊圩擣其巢穴以保北路完善之區將此由六百

里諭令知之○諭本日據德興阿奏江北糧臺每月山西協濟銀三萬兩歷經如數解給兵餉得以不至缺乏乃近來兩次每月止解銀一萬二千兩當此兵勇進剿支發緊要倍常設有缺誤所關非細自係實在情形英桂到任以來於各省軍餉應解之款自應竭力籌濟著照舊將山西省每月協濟江北軍餉銀三萬兩按月如數籌解江北糧臺毋誤要需將此由五百里諭令知之○戊戌諭內閣前據胡興仁奏官卷中額不敷請於廣額內加中一名當交禮部察覈具奏茲據奏稱該撫所請覈與例意不符等語浙江省本科應試官生僅止二十五名以每二十名取中一名覈計其零數尙不及半所缺之額例應以民卷補中且該省所加中額五名均係永遠定額若撥入官卷加中恐此後相沿竟爲官卷定額殊覺過優儻各省紛紛援案聲請不足以示限制惟浙江省見已

揭曉如已由官卷加中其中式舉人著毋庸扣除嗣後不得援以爲例此後捐輸軍餉加廣中額省分亦不得援照辦理所有違例奏請之浙江巡撫胡興仁並該省正考官寶璽副考官馬珮瑤均著交部議處○己亥諭軍機大臣等朕聞張亮基初抵雲南駐兵曲靖連次勦辦回匪屢獲勝仗回眾頗知畏懼嗣因吳振械誤信回人之言堅請該撫進省張亮基遂撤曲靖之兵輕騎赴任甫經抵省回匪卽將張亮基之姪殺害迫張亮基入城後回人四處看守出入均難自主一切文報均須回人拆看始能發遞該回匪等復於省城之外築一小城抽稅所收稅銀半月歸官半月歸回人自用以致居民遷徙商賈裹足省城貿易鋪戶盡屬回人米糧食物價加數倍此等情形雖係傳聞未確而吳振械等本日六百里奏報並未敘及張亮基之姪被害一事恐其受制於回人不便入

奏此時若令張亮基查奏亦恐事機漏洩轉致生變著王慶雲卽選派精細幹員改裝易服前往雲南省城面見張亮基密訪確情據實具奏如果此事屬實則張亮基等已有不能施展之勢惟有仍借川省兵力以爲援應或以助剿迤西爲名酌派川兵駐紮宣威曲靖等處俾張亮基等緩急有恃庶可漸有轉機並著王慶雲一面馳奏一面斟酌妥辦毋致貽誤將此由五百里諭令知之○諭景瀄等奏遵撥官兵分赴安徽軍營及天津防所請撥給馬匹以備乘騎各一摺安徽軍營內吉林官兵間多傷病見經景瀄等挑派官兵西丹共二百二十二名前赴安徽軍營補足缺額並派委官員管帶同往於二月初一日啟程其天津海口派調之吉林官兵並據景瀄等奏稱已挑派一千名遴員管帶分起於十二月二十八等日啟程著玉明侍順於大凌河牧羣內挑選廕壯馬匹

俟安徽天津所調官兵行抵該處按照人數寬爲籌備發給乘騎以利進行該將軍等務須先期豫備毋致臨時短缺貽誤將此諭令知之○吳振械以病免以張亮基爲雲貴總督徐之銘爲雲南巡撫姚錫華爲雲南按察使

由糧備道遷

○庚子諭內閣潘曾瑩奏平

齡案內牽涉伊子自請嚴議一摺據稱平齡案內程炳采供稱潘曾瑩之子潘祖同有代送條子之事潘曾瑩嚴詰伊子屬實翰林院庶吉士潘祖同著卽革職歸案辦理潘曾瑩著改爲交部議處○和春奏灣沚軍營失陷以後據副將向奎等稟稱戴文英與賊血戰刺斃無數賊匪槍矛爛集該總兵於營中力竭陣亡當時軍心慌亂亦卽退回甯國郡城又據參將鄧聯科等稟報提督鄧紹良亦於十一月三更灣沚營盤被圍血戰殞命

臣

查鄧紹良自抵

徽甯防勦五載疊復郡縣功績茂昭實爲皖南保障戴文英從征

數載屢立戰功本年十月克復溧水縣城又將西路逆援賊壘掃蕩尤爲勦勞懋著豈意兩日之中先後陣亡曷勝憫惜合無仰懇

天恩將該提鎮飭部從優議卹並於死事地方建立專祠其灣

汜從亡員弁俟

臣

查明再行奏懇議卹至甯國郡城節據皖南道

鄧瀛稟稱先令副將朱承先向奎於城中分守四門又令馮日坤

於城外西北一路安紮營壘並據朱承先等稟報各門外均已先

後築營扼要堵守暫在郡城會同籌商防守事宜

臣

查甯郡防兵

及所招潰散已不下一二萬人兵力已厚賊勢尙未內犯總兵鄭

魁士歷練老成堪以就近前往督辦復飭周天培一軍暫畱高淳

駐紮並飭張玉良帶兵二千由溧水前往東壩會同魯占鼇嚴密

防守以固蘇常門戶派副將劉季三帶兵二千前赴溧水接防以

資堵禦又奏查甯國府地居東南爲江浙兩省門戶堵禦防勦最

關緊要必須威望素著謀勇兼優得力大員前往統率方足以資
鎮攝總兵鄭魁士久歷戎行老成持重屢經大敵明幹有爲爲諸
鎮中不可多得之員浙江提督員缺可否以鄭魁士補授卽令督
辦皖南軍務於軍事庶有裨益其安徽壽春鎮總兵並戴文英遺
出直隸通永鎮總兵二缺查有參將熊天喜遊擊馮子材副將劉
季三出師數載屢著奇功可否卽於此三員內簡放之處恭候
聖裁 上諭軍機大臣等前因胡興仁奏鄧紹良接仗陣亡諭令
和春等如周天培已抵甯國傳旨將周天培署理浙江提督令其
督辦甯國軍務本日據和春奏鄧紹良與戴文英先後陣亡見籌
堵禦甯郡暨高淳等處布置情形已降旨將該提鎮從優議卹矣
該大臣因甯防緊要另片奏請以鄭魁士補授浙江提督卽責令
督辦皖南軍務該總兵骸疾漸愈會在甯郡會辦防勦深爲軍民

悅服若派令督辦自能得力周天培一軍見畱高瀆駐紮該處亦爲腹地扼要之區該大臣等接奉廷寄會否傳旨將周天培署理浙江提督如尙未宣露卽著迅速馳奏候旨將鄭魁士簡放浙江提督並令在甯國接辦軍務其壽春鎮並通永鎮總兵兩缺統俟奏到時降旨簡放至溧水東壩等處均爲蘇常門戶並著該大臣等督飭防守之鎮將等加意堵禦毋稍大意將此由六百里諭令知之○予安徽陣亡提督鄧紹良祭葬世職建祠諡忠武總兵官戴文英祭葬世職建祠○辛丑予貴州殉難知州杜琢章祭葬世職○是月蠲免貴州都勻等二十三府州縣被擾地方額賦蠲緩直隸開州等三十五州縣被水旱風雹災區新舊額賦並分別賑給貧民口糧浙江江山等三十縣被擾地方湖南澧州等九州縣並岳州衛被水災區新舊額賦緩徵湖北黃梅等三縣被擾地方

舊欠漕糧廣西及貴州古州被擾各埠引餉雜稅

十二月壬寅朔以裕鐸爲福建按察使

由臺灣道遷

○賞八旗及綠營

兵丁半月錢糧○癸卯官文奏十一月初七日逆眾五六千人騎馬賊百餘由南陽河一帶竄擾余際昌率中左前後四營先行唐訓方接應後路由彌陀寺右岸山岡嚴陣以待賊匪大至我軍奮勇直前衝入賊隊斬殺無算後應之軍繞過山岡鈔襲賊卽登時潰散追殺三十餘里其落後之賊擒斬罄盡至廣濟之東北路已令李續宜分勇駐守英羅接壤之麻城調唐協和馬步隊分防仍以李續宜駐師黃州居中接應凡水陸入楚要隘碁布星羅實已守禦嚴密日來疊獲奸細訊知該逆因我軍到防節節有備南陽河一戰賊志頓餒未敢上犯計自前月下旬都興阿大戰於黃泥港王家畝等處本月初七日援軍陸續到後又大戰於花涼亭連

獲勝仗斬馘一萬數千趁此軍威重振亟應規復太湖爲節節埽

蕩之計

臣

見已飛咨都興阿先行進攻太湖相機進取以期迅埽

逆氛報聞○甲辰予福建陣亡道員趙印川祭葬世職○乙巳諭

內閣周祖培等奏覆勘各省試卷應議太多開單呈覽一摺並請

將應查各卷交各省查明等語本年山東河南山西陝甘鄉試中

式各卷原勘官籤出應議者業經周祖培等覆加磨勘將應議免

議分別黏籤進呈卽著禮部照例辦理其河南各卷空補至四十

卷之多顯有情弊掄才大典豈容違例將試卷任意更改著該撫

嚴切訊明據實具奏其山東第十五名賈元濤山西第五十六名

劉元鎧河南第三十五名卨自樞等卷或筆迹不符或空補洗改

俱干例禁並著各該撫一併確查具奏所有應查各卷著交兵部

由驛遞送各省查明後仍將各卷咨送禮部覈辦○諭宋晉奏查

勘明陵事竣一摺順天府屬昌平州明代十三陵經該侍郎徧歷
詳查寶城殿宇等項舊工均尙完固其牆垣紅灰瓦片間有脫落
之處應由霸昌道陸續黏補惟樹株未能茂盛著責成各陵戶加
意培護並著該地方官隨時稽察嚴禁採樵以示朕加禮前朝至
意○改河南選缺南汝光道爲調缺加兵備銜升歸德營爲歸德
鎮設總兵官一駐府城左右營遊擊都司各一中軍守備二千總
四把總六經制外委四額外委八馬兵五百八十名步兵一千
一百二十名撥原設歸德營參將及弁兵駐商邱永城適中之會
亭驛與考城營陳州營均隸新鎮又設信陽州副將一撥光州都
司於信陽作爲中軍再設都司一分管左右營添設千總一經制
外委一額外外委二設光州營遊擊一均仍隸南陽鎮所添兵丁
由鎮標各營抽撥移河北鎮之開封營改隸撫標並增新設各營

俸餉營房馬匹○丁未諭內閣禮部議覆江蘇巡撫趙德轍等題請以宋儒陸秀夫從祀 文廟一摺宋丞相陸秀夫精研理學品誼端純立朝後事君盡禮雖當軍旅之時猶日書大學章句進講及其成仁取義大節凜然亮節孤忠光昭史冊宜膺茂典俾列宮牆陸秀夫著照該部所議從祀 文廟位在文天祥之次以獎忠義而激懦頑○戊申諭軍機大臣等恆福奏袁甲三攻剿喫緊需兵甚殷豫省難於抽撥請飭陝西省撥兵前往助剿等語袁甲三所統河南各兵從征日久缺額甚多豫省原應挑補派往以厚兵力惟歸陳一帶防剿見甚喫緊該撫已撥補四成此外再難抽撥自係實情且徐宿軍營所需援兵前已將駐紮天津之吉林黑龍江察哈爾兵共一千七百五十名派協領關保管帶馳赴徐州一帶交袁甲三調遣計此時亦將次可到該撫即可知照袁甲三飭

往迎提以資攻剿至陝西雖屬安堵然該省官兵在軍營者居多
河南前調陝甘官兵已不能湊足一千之數是陝西兵力亦未見
充裕該撫所請於陝省撥兵赴徐宿之處著勿庸議並著知會袁
甲三可也將此由五百里諭令知之○已酉諭內閣胡興仁奏剿
辦台州土匪首犯就擒地方肅清一摺浙江甯海縣匪徒林大廣
等聚眾踞城經甯波府知府張玉藻等帶兵克復縣城後該匪復
竄踞臨海甯波交界地方九月二十八日糾匪三千餘人直撲台
州府城署知府吳端甫等會同文武官紳率領民團斃匪數百生
擒二十七名正法該匪敗退次日復撲府城又被我軍擊退生擒
三十餘人訊係匪黨尙有二千餘人聚白蓮寺等處經候補知府
蔭德泰會同已革遊擊楊國正等分道攻擊於十月初八日將白
蓮寺等賊巢盡行焚毀生擒賊首盧雨傑等三十餘名斃匪不計

其數該逆潰敗後又竄踞甯海之鐵場等處復經官軍殺斃二百餘名生擒一百五十餘名正法二十四日各將士攻毀鐵場賊巢餘匪竄踞南溪賴舉十一月初十日官軍分道進攻復將賴舉賊巢燒毀共斃匪三百餘人生擒一百三十餘人並將首犯林大廣生擒正法此次剿辦台州土匪兩月間一律肅清尙爲迅速在事官紳弁兵俱屬奮勇出力著胡興仁擇尤保舉以示獎勵○諭軍機大臣等王懿德奏請飭曾國藩暫緩移師畱張運蘭一軍保衛閩境一招曾國藩援浙之師前因所部兵勇多染疾疫暫駐建昌調度徐圖拔隊繼進嗣值李續賓全軍失利皖北賊勢猖獗經駱秉章奏請飭令該侍郎移師援皖畱蕭啟江所帶四千餘人防守江西當經諭令曾國藩儻因汀州等處尙需兵力江西景德鎮大股匪徒尙未殲盡未能卽日由楚入皖令其斟酌情形具奏茲據

王懿德奏接會國藩咨稱擬率卽選道張運蘭等軍赴楚剿辦該督以閩省賊熾兵單連城尙被占踞接壤之饒州甯都等府州紛紛告警專賴會國藩大軍鎮定邊陲其前部張運蘭一軍已抵邵武轄境正資協勦未可撤回所奏亦係實情著會國藩通籌大局如閩省賊匪猶賴援軍卽將張運蘭一軍暫畱攻勦與王懿德會商辦理至湖北防堵見已周備惟皖省南北粵捻麤聚有需兵力而江西地方如尙有大股賊匪該侍郎亦難舍近而圖遠仍著斟酌調度可也將此由六百里各諭令知之○辛亥以捐輸軍餉永廣山西解州學額一名○壬子諭內閣崇恩奏請加副將升銜俾資控制等語山東沂州協副將郝上庠見在派辦該省防務著賞加總兵銜以資控制而專責成○諭駱秉章奏武職大員乘坐肩輿私役弁兵請先行交部嚴議一招湖南永州鎮總兵樊燮違例

乘坐肩輿本年陞見出省私帶弁兵至三十餘名之多護送同行其眷屬寄寓省城復派外委李士珍等藉差進省照料家務聞該撫嚴查始行回營永州鎮毗連兩廣見當賊氛未靖邊防緊要之時該總兵以專閫大員玩視軍務希便私圖實屬膽玩焚燹著交部嚴加議處卽行開缺其署內差役冒領兵糧攤派養廉蓋造房屋並演戲賞耗開銷公項各劣蹟仍著駱秉章查明參奏以肅官方該員所署湖南提督印務並著官文另行派員署理○諭德興阿奏請將淮海二屬錢糧漕米仍歸江北糧臺等語著照所請所有淮海二屬錢糧漕米准其統歸江北糧臺充餉以濟要需其徐屬地糧銀米先儘徐州軍營提解俾無貽誤○調毓科爲江西按察使翟誥爲湖南按察使○癸丑諭軍機大臣等勝保等奏遵籌皖省大局需兵甚亟請飭催撥馬隊官兵一摺皖省南路廬城賊

勢鴟張北路復有捻匪麇聚自應添派勁旅以杜其北竄之路本日據官文奏四川官兵該省並未截畱卽日東下湖南兵一千五百名亦已到營惟普承堯一軍畱防九江未能赴援勝保軍營兵數已不爲少其所調吉林黑龍江補額兵丁亦已據報啟程至關保所帶之吉林黑龍江察哈爾兵一千七百五十名前赴徐宿原爲嚴防北路而設昨據崇恩奏請截畱黑龍江官兵五百名駐紮韓莊暫爲東境邊防之助其餘吉林官兵二百五十名察哈爾官兵一千名已催令關保管帶前赴袁甲三軍營見據勝保等奏需兵甚亟馬隊無從籌措著卽咨商袁甲三於吉林察哈爾馬隊內酌撥二三百名歸勝保調遣其餘仍須嚴防北路不得再行調撥勝保前兩次保舉軍營出力人員至一千餘名之多其中文員不少據單開勞績亦俱稱其隨同剿賊未免失諸冒濫嗣後務當嚴

實酌保以昭激勸毋得沾染外間惡習市恩邀譽致開倖進之門
將此由六百里各諭令知之○予浙江陣亡布政司理問杜煒祭
葬世職○甲寅以梁瀚爲左副都御史由通政使遷○予廣東陣亡知

府張承諫等祭葬世職○乙卯諭內閣前因載垣等奏平齡案內
訊出前任刑部侍郎李清鳳有送給程庭桂條子之事當令江蘇
督撫取具確供具奏茲據何桂清等奏訊明李清鳳之子李旦華
假託父名私送條子並有代同籍貢生王景麟致送條子之事工
部郎中李旦華著卽革職由該督撫派員解京歸案辦理貢生王
景麟據奏尙未回籍著步軍統領衙門查傳到案一併訊辦李清
鳳著交部議處○諭軍機大臣等前據王懿德奏張運蘭援閩之
師已抵邵武轄境請飭暫緩移動以衛閩疆當經諭令會同藩王
懿德通籌全局如閩省尙賴援師卽將此軍畱於該省勦辦本日

據會國藩奏景德鎮官軍接仗失利情形緊急已調張運蘭回建昌卽日令其拔營前赴景德鎮與劉于濤會同辦理各等語景德鎮之賊如果竄犯廣信湖口等處恐其掣動江西全局閩省見止連城尙有餘匪爲數無多勦辦當不難得手該侍郎以援閩之師折回移勦卽責成張運蘭將景德鎮一帶之賊會同劉于濤實力勦洗毋令擾及饒州湖口等處以固江右邊防惟閩省兵力單簿如果江西省軍務已有就緒而閩省賊蹤未能淨盡仍著該侍郎妥籌兼顧毋令再有蔓延將此由六百里諭令知之○諭前因袁甲三奏請飭東豫會勦捻匪當經諭令崇恩恆福各派兵勇進至永亳一帶會同袁甲三直擣賊圩旋據崇恩奏稱容俟遴派大員湊集兵勇後再行專摺奏報並據恆福奏稱已令邱聯恩整飭防兵候調惟俱以官軍深入以後賊眾鋌而走險或分股旁趨或冒

死北竄爲慮本日復據袁甲三奏捻匪被擊遁回於本月初四日復行出巢經傳振邦派兵截剿奔回臨溪並於初二至初六等日經知州苗沛霖督勇進剿在滄河南北岸接仗疊次獲勝惟探聞各捻首會商定於來年正月初間合夥出竄亟應乘賊未動速圖偏剿請催東豫兵勇迅卽前進等語捻逆人數眾多附近地方無可擄掠必思竄擾完善之區自應先發制人免致臨時無措袁甲三所稱令河南兵勇由亳州而東山東兵勇由永城而南傳振邦一軍由宿州西南同時並進之處雖係通籌大局力遏逆氛然兩省兵勇進剿太深更應防其繞越致落後著該京卿所奏不過爲將來紛竄先占地步可以諉過於人袁甲三向來是已非人著崇恩恆福會商袁甲三酌量分投進兵袁甲三亦卽移營永城居中策應著袁甲三先就見有兵勇務須直擣賊巢盡殲醜類毋任分

竄至東豫邊防緊要未可因兵勇同時進剿轉令匪眾乘虛闖入該兩省防堵事宜係派郝上庠邱聯恩督率山東鄉團可用河南亦須聯絡各鄉團練以助兵力而衛身家著崇恩恆福將各要隘嚴密布置卽行發兵會剿毋再遲延山東截畱之黑龍江官兵五百名皆係勁旅未便令其駐守韓莊此時派兵會剿著崇恩卽將此項馬隊供進兵之用以資得力將此由六百里各諭令知之○丙辰以安徽壽春鎮總兵官鄭魁士爲浙江提督督辦甯國軍務○予江南陣亡遊擊郭正邦等貴州陣亡知府吳登甲等祭葬世職○丁巳諭內閣前因戶部奏請盤查通濟庫款當派沈兆霖會同倉場侍郎等認真清查茲據沈兆霖等奏查明通濟庫銀數動缺請設法追賠彌補開單呈覽一招通州通濟庫自咸豐三年清查之後甫及五年何以又動缺銀二十五萬餘兩之多雖因近年

糧數減少領項無多經紀人等長支豫借未能坐扣以致動缺見經查明尙無侵蝕蒙混等弊惟該監督及歷任監督經理不善咎無可辭坐糧廳監督柏壽夏家泰及前任監督汪潤等八員均著先行交部照例議處仍責令分賠勒限完交歷任倉場侍郎均著交部議處見任侍郎崇綸廉兆綸會同查出著改爲交部察議所有單開動缺銀數並歷任監督應分賠銀兩及追繳經紀車戶書吏商人等賠項又另摺奏籌議補救章程四條著戶部一併詳細覈議具奏○諭軍機大臣等本日據都興阿奏移營進規太湖分路布置情形一摺復據奏稱見患骸疾請賞假調理已降旨賞假一箇月矣蓮花塘楓香驛餘賊退至太湖等處分茅嶺之賊退至石牌增壘抗拒另股復由潛山趨天堂五河皆可上犯英霍該將軍見派各軍責成記名副都統多隆阿統帶移營前進並由官文

檄調九江防兵移紮黃梅飭令李績宜添調四營前往下游兵力已不爲單薄惟都興阿告假在營調理雖有多隆阿爲前敵而後路尙無大員總統調度胡林翼到省後已馳往黃州著卽申明紀律調度各軍仍以多隆阿爲前敵督飭李績宜等體察情形節節進剿胡林翼應否督兵前進著與官文會商辦理儻因兵力不敷卽著官文酌量調派爲進兵圖皖之計不至遲誤事機是爲至要將此由六百里各諭令知之○戊午諭軍機大臣等王慶雲奏四川省撥解京外各餉爲數甚鉅請續辦按糧津貼以資接濟一摺川省歷年籌解京外各餉數至六百餘萬兩節經該督奏請辦理按糧津貼源源接濟閭閻踴躍輸將實堪嘉尙見值各路軍務未平該省密邇滇黔防剿經費所需甚鉅據王慶雲奏請於咸豐九年再行勸諭紳民續辦按糧津貼實屬萬不得已之舉第恐不肖

吏胥藉端擾累著該督嚴飭所屬查明舊章遴選公正紳耆妥爲經理不准假手胥吏致滋弊端其上中下戶之分儻該地方官高下其手蒙混侵蝕及有徵多報少等弊卽著從嚴參辦毋稍姑容庶於借資民力之中仍寓體恤民艱之意將此由四百里諭令知之○諭見在天津海口業經僧格林沁添築礮臺營壘以資守禦其沿海各口岸何處應行設防尙須周歷履勘方能布置周密著慶祺傳旨諭知史榮椿會同格綳額卽由天津馳赴山海關將沿海一帶口岸及扼要地方詳加履勘查明後史榮椿卽折回大沽海口格綳額卽在山海關駐紮俟防兵到關歸其統帶並派署天津鎮總兵湯蘇大沽協副將龍汝元將由天津至山東海豐一帶沿途海口各要隘一體詳查明確所有兩路查勘情形均由慶祺繪圖貼說詳悉具奏將此諭知慶祺並諭史榮椿格綳額傳諭湯

蘇等知之○己未諭內閣前因德興阿奏參江南布政使楊能格
遇事慌張畏蒞信任委員候補直隸州知州于昌遂把持諸務遺
棄糧臺軍火淮揚道郭沛霖逃避出城妄稟軍情當將楊能格革
職暫行畱任郭沛霖先行革職所參各情交邵燦庚長確查奏參
茲據邵燦等遵旨詳查據實覆奏楊能格於浦營兵潰儀徵揚州
相繼失守節次將糧臺移赴五臺山等處致與大營時或不能相
顧雖爲保護餉糈軍火起見舉動未免輕率其兵勇所獲火箭噴
筒查係工匠製造尙未呈交之物硝磺鐵屑亦本係畱存西寺供
應萬福橋募勇支用並非糧臺遺棄惟以軍火要需輒因倉卒之
中不能兼顧亦難辭咎楊能格著卽革任以示懲儆郭沛霖於賊
至揚州登陴守禦旋被練勇擁護出城復將回揚官兵誤爲潰退
以致稟報失實該員係專辦揚州善後與尋常兼轄地方者不同

業已革職其應得罪名著刑部覈擬具奏至委員于昌遂黃文涵及此外各委員有無把持貽誤並聲名狼藉等情仍著德興阿查明據實具奏○官文都與阿胡林翼奏查李續賓提兵入皖一月之內連克四城聲威甚振急欲進剿廬州逆賊於三河鎮設險負固竄扼廬州之要必先攻拔三河乃能進兵廬州李續賓督帶兵勇不過五千人九月二十八日進抵三河分派各軍相機進剿十月初二日黎明出隊進攻賊壘該逆以大股迎敵我軍分投並進殲斃衝鋒悍賊千數百名賊奔敗入壘我軍乘機奪柵而入一鼓緣登九壘俱下壘中之賊均經殲盡其時城賊與白石山之賊分投救援均爲馬步隊擊退是日共計斃賊七千餘名而我軍傷亡亦復不少旋知首逆陳玉城率大股自江浦廬江來援首逆李侍賢復糾集捻逆張落刑自廬郡率大股號稱十餘萬連夜竄至三

河附近之金牛鎮一帶連營數十里包鈔大軍後路因念眾寡懸殊而我軍血戰數日傷損精銳已多必須添調以厚兵力當卽飛催各營迅速接應乃援兵未及到防賊已逼近勢頗猖獗李續賓速派各軍於初十日五鼓前往金牛鎮擊勦該逆以數股包鈔以數股搗戰湘軍直偏賊壘殺賊約逾二千忽大霧迷漫咫尺莫辨該逆由左路出數大股直前衝突我軍左路先潰致中右兩路各營均爲該逆鈔襲參將彭友勝等力戰陣亡李續賓自領親兵衝盪數十次殺賊甚多僞城之賊復分股衝出會合各路援賊縣互二三十里環繞來撲遊擊鄒玉堂等又力戰陣亡李續賓一面奮戰一面傳令軍中嚴守牆壘惟運同丁銳義衝入李續賓營盤期與統將苦戰戰至二更殺賊已近二千李續賓彭祥瑞率勇越壘衝出於是賊踞其壘空斷河隄以絕我軍去路李續賓勇氣百倍

怒馬當先往來奮擊斃賊又數百人戰至三更李續賓身面皆受矛傷力竭陣亡候選同知曾國華均先後力戰死之賊遂分兩股一由杭鋪繞舒城一由梅心驛竄桐城先是李續賓以桐城爲安慶舒城後路派總兵趙克彰統率六營嚴密扼守十九日賊出數大股來撲鏖戰四時彼此均多傷亡趙克彰卽收隊回營而賊已從後路衝入各營見勢不敵遂爾同潰臣等查李續賓自咸豐二年賊圍長沙奉其父李登勝之命首先倡團講求練兵之法屢建奇功遂以平定湖南湖北江西規復安徽等省大小六百餘戰戰無不勝未曾少挫計先後克復四十餘城前在武昌九江統馭一二萬人號令嚴肅其臨陣安閒肅穆厚重強固凡遇事之難爲而他人所畏怯者無不毅然引爲己任此次三河鎮血戰捐軀各營亦陸續失陷實出意料之外當接仗失利之時或勸之斂兵退守

突出重圍李續賓則曰軍興九年均以退走損國威長寇志吾當血戰縱橫多殺一賊卽爲地方多除一害焚香叩首取所奉廷旨硃批奏摺焚之曰不可使宸翰落於賊手卒以援兵不至力竭陣亡其臨難堅定從容就義如此復查李登勝平日寄書教子勉以忠良屬無以親老分心李續賓所得養廉均施於軍中士卒等每過其營讀其家書未嘗不感動流涕也所有巡撫銜浙江布政使李續賓應請恩施逾格照巡撫銜加等追贈從優議卹並請於湖北江西安徽及本籍湘鄉設立專祠以昭功烈其父母年逾七十忠厚積累矜式鄉里並懇天恩逾格獎賞以爲教忠者勸李續賓之子李光久李光令均讀書應試籲懇聖恩酌給賞卹俾延後嗣上諭官文等奏查明統兵藩司陣亡實蹟懇請優卹一摺覽奏不覺隕涕巡撫銜浙江布政使李續賓當賊匪圍

撲長沙之時首倡團練屢建奇功嗣後赴援江西調回湖南旋隨
會國藩東下克復武漢凡江西湖北湖南等省攻克巨壘堅城該
藩司無不親歷行間身先將士通計七年之間先後克復四十餘
城大小六百餘戰以少勝眾所向無前一時諸將之中無與倫比
本年七月赴援安徽甫逾月連克潛太舒桐朕以其謀勇素優
威望眾著特命幫辦安徽軍務方冀其肅清皖北淨埽狂氛特膺
懋賞乃因進圖廬郡先勦三河苦戰旬餘殺賊逾萬江浦六合廬
江逆黨大股來援以五千兵勇當十餘萬之賊將士傷亡從容赴
義其忠勇義烈之氣雖死猶生實深悼惜李續賓著加恩追贈總
督卽照總督陣亡例賜卹入祀昭忠祠任內一切處分悉予開復
應得卹典該衙門察例具奏伊父李登勝著賞給光祿大夫封典
並賞銀五百兩由湖南藩庫給發伊子李光久李光令均著賞給

舉人一體會試仍於服闋後交吏部帶領引見並著於湖北江西安徽及湖南湘鄉本籍各建專祠以示朕褒卹盡臣至意尋予祭葬世職諡忠武○官文都興阿胡林翼奏竊思軍旅之要以賞罰爲先有賞無罰軍政不明此次三河桐城僨事各員宜昌鎮總兵李續燾副將彭祥瑞駐營之地係全軍去路一見勢危先棄營壘總兵趙克彰督勇四千駐守桐城不能督兵以援三河又不固守桐城副將謝永祐防守舒城不戰自退遊擊李運洛副將朱希廣不能力戰先行失壘都司張養吾參將張嵩齡首先敗挫總兵銜楊得武敗後徑走潛山久不歸伍均應請旨革職由臣等提省審明失事確情嚴行分別懲辦彭祥瑞雖已戕害應請毋庸給卹其餘罪狀稍輕人員暫准立功自贖以肅軍律而勵戎行上諭宜旨鎮總兵李續燾等失律喪師深堪痛恨均著革職鞫交官文

等提省審明失事確情嚴行分別懲辦其餘罪狀稍輕人員暫准立功自贖以肅軍律○官文等奏李續賓死難情形得旨詳覽奏贖不覺隕涕惜我良將不克令終尙冀其忠靈不昧他年生申甫以佐予也○賞梁佐中三品頂帶爲江甯布政使由江蘇准海道遷○以徐宗幹爲浙江布政使段光清爲浙江按察使由甯紹台道遷○予安徽陣亡道員孫守信等祭葬世職附祀李續賓祠○庚申 上詣

大高殿祈雪○壬戌諭軍機大臣等樂斌奏甘餉緊要請飭迅速籌辦一摺甘肅內地及新疆各城每年餉需共四百餘萬皆賴外省協撥自各省軍興欠解甘餉愈多撥解口外亦遞年減少據稱本年山西省僅解銀七萬兩陝西省僅解銀八萬五千兩河南省僅解銀一萬七千五百兩鈔錢一萬五千串山東省僅解銀一萬兩若非河東道解到銀四十五萬兩其勢早已不支見在新疆各

城空乏已久待餉迫切甘肅藩庫籌墊已盡若再遲延不特口外俸餉無從撥解卽內地亦難以支持自應迅速籌撥著崇恩英桂恆福會望顏迅飭藩司暨道破除畛域之見卽將欠解甘餉項下竭力設法籌措各先湊解銀十萬兩委員迅速解赴甘肅藩庫交納其餘欠項並著隨時酌撥協濟以顧西陲大局毋稍延緩將此由五百里各諭令知之○諭奕山等奏遵查綏芬烏蘇里地界情形一摺據稱綏芬至三姓交界寬廣千餘里並無與俄接壤之處烏蘇里河自北而南相距一千四百餘里距興安嶺甚遠亦無接壤處所是該二處不特原定分界甚遙且近接三姓甯古塔等處實已深入內地據該將軍等查明未便允許自應正言拒絕該夷要求黑龍江左岸居住奕山遽爾允准已屬權宜此次著該將軍等妥爲開導諭以各處准添海口皆係大皇帝格外天恩原因兩

國和好多年是以所請各事但有可以從權者無不曲爲允准此
後自應益加和好方爲正辦若肆意侵占擾我蕩珠貂鼠地方是
有意違背和議中國斷難再讓況在三姓地方攪擾街坊觸怒軍
民若日久占居必致積怨成仇羣起爲難雖天朝法令森嚴亦不
能以非理之事強制百姓彼時有傷交誼大非彼國之利如該使
聽受開導不復以綏芬烏蘇里爲請即可與議准界址切實訂定
除所議之外永不准肆行竄越如其堅執不遵卽著詳細具奏當
由理藩院行文該國薩約特衙門與之理論奕山等亦可行知不
哩斐岳幅據理執辯曉以利害○予四川陣亡同知凌樹棠等祭
葬世職○癸亥諭內閣朕體自入冬以來一切照常惟右足尙覺
無力茲屆歲暮禘祭之期若勉行全禮恐登降拜跪偶有愆儀不
足以昭嚴恪本月二十九日 太廟禘祭著派恭親王奕訢恭先

行禮是日致祭之先朕仍親詣太廟行三跪九拜禮以伸誠敬

○予江西殉難巡檢張世職祭葬世職○甲子諭內閣步軍統領衙

門奏佐領呈訴刑部司員刑偏無辜並牽涉刑部堂官授意陷害

一摺鑲白旗蒙古世襲佐領哈豐阿呈控領催額林布句串騎都

尉雙祿扣畱軍餉半價錢文由該旗咨送刑部訊辦乃該部司員

不照原文究辦刑偏勒供並有司員聲稱係刑部侍郎孟光授意

令將瑞林供出等語虛實均應徹底根究著派文彩穆蔭提集人

證詳悉審明具奏○諭軍機大臣等據崇恩奏籌議會勘事宜欲

緩俟明春二三月間再爲合勘之舉覽奏各情固爲慎重起見惟

捻蹤出沒靡常既據袁甲三奏探有正月出巢之語則東豫兩省

連界處所仍須嚴防窺伺不宜輕進致有疏虞亦不可遷延反落

後著本日據袁甲三奏稱逆捻復糾集數萬眾圍逼苗沛霖營盤

其不肯久伏巢中已可概見崇恩見擬募勇三千名交黃良楷訓練並抽撥官兵一千名合成一旅派總兵富新會同統帶卽令飭令該鎮道帶兵出境與袁甲三等馬步兵勇及恆福派出之總兵邱聯恩等相機合剿不可太遲致令蔓延其本境畱防兵勇旣與民團聯絡一氣卽可責成督辦防務之郝上庠安爲控制則前有進剿之師而後路亦臻嚴密矣將此由五百里諭令知之○以安徽團練剿匪出力賞知州苗沛霖巴圖魯名號把總苗景開苗天慶苗希年花翎餘升敘有差○乙丑冊封 佟佳氏爲 祺嬪晉封 玫貴人徐佳氏爲 玫嬪○諭軍機大臣等前據景瀄等奏查綏芬烏蘇里均不與俄接壤未便允許當諭令該將軍等正言拒絕矣綏芬烏蘇里兩處旣與俄界毫不毗連且係採捕淺珠之地當時卽應據理拒絕何以副都統吉拉明阿輒許木哩斐岳幅

於冰泮時馳往查明再立界牌至所稱原立字約十四條內尙有三事未妥均未據奕山奏明其木哩斐岳幅來文內有二年後差學生到俄國學藝之語更不知從何而來奕山前次遽將黑龍江左岸允許辦理輕率且以烏蘇里河亦可比照海口等處辦理景瀄因綏芬烏蘇里均係內地關繫綦重設法拒絕自是正辦著仍遵前旨據理剖辯毋得遷就了事致貽後患所立字約十四條及吉拉明阿輒許該夷赴烏蘇里口會勘地界有無含混應許之處著該將軍等查明具奏○丙寅諭內閣此次中卷疵謬閱薦之同考官鄒石麟著照部議先行降一級調用俟案定時應得之咎由欽派王大臣定擬取中之副考官朱鳳標著照部議罰俸一年再罰俸九箇月應貼不貼之受卷官賈鐸著照部議罰俸一年均不准抵銷○諭戶部奏遵議沈兆霖等奏通濟庫動缺銀兩分賠追

繳並籌議補救章程四條所議均屬周妥嗣後倉場侍郎著照戶部三庫之例加兼通濟庫事務銜其通濟庫印鑰由該侍郎佩帶遇有放款由坐糧廳呈請該侍郎親臨監放儻該監督敢擅自開放除責令賠補外仍著從嚴參處至先漕銀兩准其暫籌別款勻攤發給腳價惟應籌何款勻攤及何款可以裁減著倉場侍郎妥速籌畫具奏此後經紀等如實係不敷辦連不得已豫借長支准由倉場侍郎奏明辦理惟每年借支銀數仍不得過一萬兩以示限制並於奏銷冊內將借支若干實存若干分別註明儻有不符卽將該坐糧廳監督嚴加議處該侍郎等亦一併議處○以捐輸軍餉永廣江西新城學額一名○予山東陣亡知縣王迺常等祭葬世職○丁卯諭內閣本日據桂良等陳奏英國咨文各件內有偽造廷寄諭旨一道據稱係英國人得自廣東者披覽深爲詫異

中國自來撫馭各國一秉大公從無設計暗害之事自葉名琛失事後命黃宗漢爲兩廣總督接受欽差大臣關防原以保守疆土卽侍郎羅惇衍等激於義憤練勇自衛亦紳士應辦之事迨桂良等在天津和議已成黃宗漢專辦本地軍務羅惇衍等亦遵旨專辦土匪並無與英佛二國交兵之舉該國見雖尙未交還廣東省城但能約束兵丁不擾居民自可相安無事乃有偽造廷寄令羅惇衍等與該二國爲難以致英國疑慮著黃宗漢嚴拏偽造之人盡法懲辦使各國皆知我中國辦事光明正大一經定議盡釋嫌疑造言生事之人無從煽惑至上海見辦通商事宜與廣東相距較遠著卽授兩江總督何桂清爲欽差大臣辦理各國事務所有欽差大臣關防著黃宗漢派員齎交何桂清祇領接辦○桂良等奏先進前後條約並陳見辦情形得旨桂良等於挽回四事僅止

略得大概並未切實斷定仍著竭力籌畫勿因條約業已進呈遂謂可以塞責至前次帶赴上海各條約除三國均已言定卽在上海互換外俄夷既無人在滬所有該國條約自應暫畱京師俟隨後發交庫倫辦事大臣交該國薩納特衙門互換可也○趙德轍以病免以徐有壬爲江蘇巡撫由布政使遷○賞前任江蘇按察使查文經道銜接辦江南糧臺事務○庚午諭軍機大臣等桂良等奏遵旨呈進俄夷條約並將歧異之處黏籤開單呈覽一摺詳閱單內所開歧異之處均屬有因從前既經普提雅廷斟酌看定始行畫押則此次狡賴顯係恃無質證桂良見令在津與晃明同議之麥領張廷岳先行回京當俟該員到時與之辯證○命瑞麟爲大學士調肅順爲戶部尚書麟魁爲禮部尚書瑞常爲刑部尚書以穆蔭爲理藩院尚書調文祥爲吏部右侍郎以文惠爲禮部右侍

郎

由內閣
學士遷

○是月免江蘇丹徒縣被兵本年新賦雲南思茅等二

廳縣被水地應徵銀米蠲減江蘇太倉等五十廳州縣及蘇州等
七衛被兵被風地方本年新賦蠲緩浙江海甯等五十一州縣被
水被旱被風災區暨杭嚴等三衛屯坐地畝本年額賦海甯等二
十二州縣嘉湖等三衛被水被旱被風地畝新舊漕糧杜濱等六
場被風被潮竈地新舊額賦山東濱州等五州縣被風村莊新舊
額賦緩徵直隸深州等三十八州縣被水被旱被雹地方新舊糧
租倉穀江蘇海門等九十九廳州縣暨蘇州等八衛被水被旱地
畝漕糧並折色銀兩新舊額賦富安等十四場被潮被水竈地新
舊折價錢糧河南睢州等六十一州縣被水被旱被賊村莊新舊
額賦甘肅狄道等十八廳州縣新舊錢糧草束吉林三姓被水被
旱地方新舊銀穀○是歲朝鮮琉球入貢○會計天下民數除直

隸江蘇安徽福建廣西雲南未經冊報穀數除直隸江蘇安徽福建湖北湖南廣東廣西雲南貴州未經冊報外奉天等省通共大小男婦一萬九千三百八十八萬七千五百二名口存倉米穀一千一百四十一萬五千一百四十八石二斗八升四合九勺